



06979

羣書治要

五十卷

道光廿七年夏  
靈石楊氏刊本  
道州何紹基題



羣書治要

五



羣書治要五十卷提要

阮元學經室外集

唐魏徵等奉敕撰徵字元成魏州曲城人官至太子太師諡文貞事蹟具唐書本傳案宋王溥唐會要云貞觀五年九月二十七日祕書監魏徵撰羣書治要上之又云太宗欲覽前王得失爰自六經訖於諸子上始五帝下盡晉年書成諸王各賜一本又唐書蕭德言傳云太宗詔魏徵虞世南褚亮及德言哀次經史百氏帝王所以興衰者上之帝愛其書博而要曰使我稽古臨事不惑者卿等力也德言資賜尤渥然則書實成於德言之手故唐

羣書治要

提要

一

連筠移叢書  
靈石楊氏琛

書於魏徵虞世南褚亮傳皆不及也是編卷帙與

唐志合

穆棻藝文志禠家類魏徵羣書治要  
五十卷劉伯莊羣書治要音五卷

宋史

藝文志卽不著錄知其佚久矣此本乃日本人擺

印前有魏徵序惟闕第四第十三第二十三卷今

觀所載專主治道不事修辭凡有關於政術存乎

勸戒者莫不彙而輯之卽所采各書并屬初唐善

冊與近刊多有不同如晉書二卷尙爲未修晉書

以前十八家中之舊本又桓譚新論崔寔政要論

穆案隋書經籍志崔寔

仲長統昌言袁準正書

正論六卷此衍要字

隋書經籍志袁準正論十九卷

案

注又有袁子政書二十五卷 蔣濟萬機論桓範

政要論 穆案隋書經籍志桓範世要論十二卷唐  
人避太宗諱改世曰政 又案杜恕體論  
劉廙政論 亦久佚 近多不傳亦藉此以存其梗概洵初唐  
古籍也

羣書治要

提要

二 連筠蓀叢書  
靈石楊氏葉

古籍也

八家中之舊本又但說新論世是政要論  
亦入類 張冬不斬亦諫世也齊其賦謝前麻惠  
陸襄如籍 入張太宗韓如世日原 又案封夢藩論  
廣要論 入張太宗韓如世日原 又案封夢藩論



羣書治要序

而魏氏等以爲魏氏等莫不備其精大以

竊惟載籍之興其來尙矣左史右史記事記言皆所以昭德塞違勸善懲惡故作而可紀薰風揚乎百代動而不法炯戒垂乎千祀是以歷觀前聖撫運膺期莫不懷乎御朽自強不息乾乾夕惕義在茲乎近古皇王時有撰述並皆包括天地牢籠羣有競採浮豔之詞爭馳迥誕之說騁末學之博聞飾雕蟲之小伎流宕恣反殊塗同致雖辯周萬物愈失司契之源術總百端乖得一之旨皇上以天縱之多才運生知之睿思性與道合動妙

羣書治要

序

一

連筠蓀叢書  
靈石楊氏琛

幾神立德潛通化前王之所未化損己利物行列聖之所不能行翰海龍庭之野並爲郡國扶桑若木之域咸襲纓冕天地成平外內禔福猶且爲而不恃雖休勿休俯協堯舜式遵稽古不察貌乎止水將取鑒乎哲人以爲六籍紛綸百家踳駁窮理盡性則勞而少功周覽汎觀則博而寡要故爰命臣等採摭羣書翦截淫放光昭訓典聖思所存務乎政術綴敘大略咸發神衷雅致鉤深規摹宏遠網羅治體事非一目若乃欽明之后屈己以救時無道之君樂身以亾國或臨難而知懼在危而獲安或得志而驕居業成以致敗者莫不備其得失以

著爲君之難其委質策名立功樹惠貞心直道忘軀徇國身殞百年之中聲馳千載之外或大奸巨猾轉日回天社鼠城狐反白仰黑忠良由其放逐邦國因以危亾者咸亦述其終始以顯爲臣不易其立德立言作訓垂範爲綱爲紀經天緯地金聲玉振騰實飛英雅論徽猷嘉言美事可以弘獎名教崇太平之基者固亦片善不遺將以丕顯皇極至於母儀嬪則懿后良妃參徽猷於十亂著深誠於辭輦或傾城哲婦亾國豔妻候晨雞以先鳴待舉烽而後笑者時有所存以備勸戒爰自六經訖乎諸子上始五帝下盡晉年凡爲五袞合五十卷本羣書治要

序

二

連筠篸叢書  
靈石楊氏棗

求治要故以治要爲名但皇覽遍略隨方類聚名目互顯首尾淆亂文義斷絕尋究爲難今之所撰異乎先作總立新名各全舊體欲令見本知末原始要終並棄彼春華採茲秋實一書之內牙角無遺一事之中羽毛咸盡用之當今足以鑒覽前古傳之來葉可以貽厥孫謀引而申之觸類而長蓋亦言之者無罪聞之者足以自戒庶引茲九德簡而易從觀彼百王不疾而速崇巍巍之盛業開蕩蕩之王道可久可大之功並天地之貞觀日用日新之德將金鏡以長懸其目錄次第編之如左



校正羣書治要序

古昔聖主賢臣所以孜孜講求莫非平治天下之道皆以救弊于一時成法于萬世外此豈有可觀者哉但世遷事變時換勢殊不得不因物立則視宜創制是以論說之言日浩撰著之文月繁簡樸常寡浮誕漸勝其綱之不能知而況舉其目乎此書之作蓋其以此也先明道之所以立而後知政之所行先尋教之所以設而後得學之所歸自典誥深奧訖史子辨博諸係乎政術存乎勸戒者舉而不遺罷朝而不厭其淆亂閉室而不煩

其尋究誠亦次經之書也我朝承和貞觀之間致重雍

羣書治要

序

一 連筠蓀叢書  
靈石楊氏棊

襲熙之盛者未必不因講究此書之力則凡君民臣君者非所可忽也尾公有見于斯使世子命臣僚校正而上之木又使余信敬序之惟信敬弱而不敏如宜固辭者而不敢者抑亦有故也羣書治要五十卷五十卷內闕三卷神祖遷駿府得此書惜其不全命我遠祖羅山補之三卷內一卷今不傳今尾公此舉上之欲君民者執以致日新之美下之欲臣君者奉以贊金鏡之明爲天下國家冀昇平之愈久遠心曠度有不可勝言者也信敬預事亦知遠祖所望信敬是所以奉命不敢辭也天明七年丁未四月朝散大夫國子祭酒林信敬謹序

羣書治要目錄

第一 秦十卷

第一 周易

第二 尚書

第三 毛詩

第四 春秋左氏傳上

第五 春秋左氏傳中

第六 春秋左氏傳下

第七 禮記

第八 周禮 周書 國語 韓詩外傳

羣書治要 目錄

第九 孝經 論語

第十 孔子家語

第二 秦十卷

第十一 史記上

第十二 史記下 吳越春秋

第十三 漢書一 闕

第十四 漢書二

第十五 漢書三

第十六 漢書四

第十七 漢書五

一 連筠蓀叢書  
靈石楊氏瑛



第十八 漢書六

第十九 漢書七

第二十 漢書八

第三卷

第二十一 後漢書一

第二十二 後漢書二

第二十三 後漢書三

第二十四 後漢書四

第二十五 魏志上

第二十六 魏志下

羣書治要目錄

第二十七 蜀志 吳志上

第二十八 吳志下

第二十九 晉書上

第三十 晉書下

第四卷

第三十一 六韜 陰謀 臯子

第三十二 管子

第三十三 晏子 司馬法 孫子

第三十四 老子 鶡冠子 列子 墨子

第三十五 文子 曾子

二 連筠移叢書 靈石楊氏葉

第三十六 吳子 商君子 尸子 申子

第三十七 孟子 慎子 尹文子 莊子

第三十八 尉繚子 孫卿子

第三十九 呂氏春秋

第四十 韓子 三略 新語

第五卷十卷

第四十一 淮南子

第四十二 鹽鐵論 新序 苑要論

第四十三 說苑

第四十四 桓子新論 潛夫論

羣書治要

目錄

三 連筠移叢書 靈石楊氏棊

第四十五 崔寔政論 昌言

第四十六 申監 中論 典論

第四十七 劉廙政論 蔣子 政要論

第四十八 體論 典語

第四十九 傅子

第五十 袁子書 抱朴子

第三十五 呂氏春秋

第三十八 齊民要術

第三十九 孟文子 莊子

第三十六 吳子 申子

百  
卷  
五  
十  
五

新  
編  
羣  
書  
治  
要

本  
文  
作  
劉  
廙  
別  
傳

本  
文  
作  
袁  
子  
正  
書



刊羣書治要考例

以其本有異本及有遺金辭補也

謹考國史承和貞觀之際經筵屢講此書距今殆千年而宋明諸儒無一言及者則其公失已久寬永中我敬公儒臣堀正意檢此書題其首日正和年中北條實時好居書籍得請諸中秘寫以藏其金澤文庫及神祖統土之日見之喜其免兵燹乃命範金至台廟獻之皇朝其餘頒宗戚親臣是今之活字銅版也舊目五十卷今存四十七卷其三卷不知何時羅山先生補其三卷而一卷不傳故不取也但知金澤之舊藏亦缺三本近世活本亦難得如其繕本隨寫隨誤勢世以音訛所處羣書治要

考例

一

連筠影叢書  
靈石楊氏棗

以訓謬閒有不可讀者我孝昭二世子好學及讀此書有志校刊幸魏氏所引原書今存者十七八乃博募異本於四方日與侍臣照對是正業未成不幸皆早逝今世子深悼之請繼其志助諸臣相與卒其業於是我公上自內庫之藏旁至公卿大夫之家請以比之借以對之乃命臣人見黍臣深田正純臣大塚長幹臣宇野久恒臣角田明臣野村昌武臣岡田挺之臣關嘉臣中西衛臣小河鼎臣南宮齡臣德民等考異同定疑似臣等議曰是非不疑者就正之兩可者其存又與所引錯綜大異者疑魏氏所見其亦有異本歟又有彼全備而此

甚省者蓋魏氏之志唯主治要不事修辭亦足以觀魏氏經國之器規模宏大取舍之意大非後世諸儒所及也今逐次補之則失魏氏之意故不爲也不得原書者則敢附臆考以待後賢以是爲例讎校以上天明五年乙巳春二月乙未尾張國校督學臣細井德民謹識

羣書治要

考例

二

連筠移叢書  
靈石楊氏采

乙巳春二月乙未尾張國校督學臣細井德民謹識  
限通朝魏漢唐書卷買以是爲國朝文士天開五羊  
以今發矣蘇文限夫賤丑之意竊不爲也不得原書  
以盤圖之器與懋密大炬舍之意大非於世書論亂  
其書香蓋賤丑之志則主節要不事修辭衣以賤賤



羣書治要卷第一

秘書監鉅鹿男臣魏徵等奉勅撰

周易

乾元亨利貞

文言

象曰天行健君子以自強不息九三

君子終日乾乾夕惕若厲無咎

處下體之極居上體之下純修下道則居上之

德廢純修上道則處下之禮曠故終日乾乾至于夕惕猶若厲也

九五飛龍在天利見

大人不行之路亨也夫位以德興德以位敘以至德而處

盛位萬物之觀不亦宜乎

上九亢龍有悔象曰大哉乾元萬物資始

乃統天雲行雨施品物流形大明終始六位時成時乘

六龍以御天乾道變化各正性命

大明乎終始之道故六位不失其時而成

羣書治要

卷之一

一

連筠修叢書靈石楊氏棗

也升降無常隨時而用處則乘潛龍出則乘飛龍故曰時乘六龍也

保合大和乃利貞

而剛暴也首出庶物萬國咸寧

萬物所以寧各以有君也

文言曰元者善

之長也亨者嘉之會也利者義之和也貞者事之幹也

君子體仁足以長人嘉會足以合禮利物足以和義貞

固足以幹事君子行此四德者故曰乾元亨利貞君子

終日乾乾夕惕若厲無咎何謂也子曰君子進德修業

忠信所以進德也修辭立其誠所以居業也是故居上

位而不驕在下位而不憂

居下體之上在上體之下明夫終做故不驕也知夫至至

故不憂也

故乾乾因其時而惕雖危無咎矣惕怵惕飛龍在

天利見大人何謂也子曰同聲相應同氣相求水流濕



火就燥雲從龍風從虎聖人作而萬物覩亢龍有悔何謂也子曰貴而無位高而無民下無陰也賢人在下位而無

輔賢人雖在下而當位不為之助是以動而有悔也君子學以聚之問

以辨之以君德而處下體資納於物者也寬以居之仁以行之夫大人

者與天地合其德與日月合其明與四時合其序與鬼

神合其吉凶先天而天弗違後天而奉天時天且弗違

而況於人乎況於鬼神乎亢之為言也知進而不知退

知存而不知亡知得而不知喪其唯聖人乎知進退存

亡而不失其正者其唯聖人乎

坤象曰地勢坤君子以厚德載物象曰至哉坤元萬物

羣書治要 卷之一 二 連筠篔叢書 靈石楊氏棗

資生乃順承天坤厚載物德合無疆含弘光大品物咸

亨文言曰坤至柔而動也剛至靜而德方含萬物而化

光坤道其順乎承天而時行積善之家必有所餘慶積不

善之家必有所餘殃君子敬以直內義以方外敬義立而

德不孤

屯象曰雲雷屯君子以經綸君子經綸之時象曰天造草昧宜

建侯而不寧屯體不寧故利建諸侯也屯者天地造始

處造始之時所宜是以前而育新也

之善莫善於建侯

蒙象曰山下出泉蒙君子以果行育德象曰匪我求童

蒙童蒙求我志應也我謂非童蒙者闇者求明者明者不諮闇故蒙之為義匪我求童蒙



童蒙求我也童蒙之來求我志應故也

師象曰地中有水師君子以容民畜眾初六師出以律

否臧凶為師之始齊師者也失令有功法所不赦故師出不以律否臧皆凶也上六大君

有命開國承家小人勿用處師之極師之終也大君之命不失功也開國承家以寧

邦也小人勿用非其道也象曰大君有命以正功也小人勿用必亂

邦也比象曰地上有水比先王以建萬國親諸侯

比象曰地上有水比先王以建萬國親諸侯萬國以比建諸侯以

履象曰上天下澤履君子以辨上下定民志

泰象曰天地交泰后以財成天地之道輔相天地之宜

羣書治要 卷之一 三 連筠移叢書 靈石楊氏葉

以左右民上下大通則物失其節故財成而輔相以左右民也象曰天地交而萬

物通也上下交而其志同也內君子而外小人君子道

長小人道消也

否象曰天地不交否君子以儉德避難不可榮以祿象

曰天地不交而萬物不通上下不交而天下無邦也內

陰而外陽內柔而外剛內小人而外君子小人道長君

子道消也九五休否大人吉其亡其亡繫于苞桑居否之世

能全其身者唯大人耳巽為木木莫善於桑人雖欲有亡之者眾根堅固弗能拔之也上六大君

同人象曰天與火同人天體於上而火炎上同人之義君子以類族辨

物君子小人各得所同象曰文明以健中正而應君子正也行健不以



武而以文明用之相應不以唯君子為能通天下之志  
邪而以中正應之君子正也  
君子以文明為德者也

大有象曰火在天上大有君子以遏惡揚善順天休命  
大有包容之象也故過惡揚善成  
物之美順奉天德休物之命也  
象曰柔得尊位大中

而上下應之曰大有  
處尊以柔居中以大上下應之靡所不納大有之義也  
其德剛健而文明應乎天而時行是以元亨  
德應于天則行不失時矣剛健

不滯文明不犯應天則大  
時行無違是以元亨也  
上九自天佑之吉無不利  
居大位志尚於賢者也不累于

謙象曰地中有山謙君子以裒多益寡稱物平施  
用謙以為寡少者用謙以為益  
象曰謙亨天道下濟而光明  
隨物而與施不失平也

羣書治要 卷之一 四  
連筠篲叢書 靈石楊氏菜

地道卑而上行天道虧盈而益謙地道變盈而流謙鬼  
神害盈而福謙人道惡盈而好謙謙尊而光卑而不可

踰君子之終也初六謙謙君子用涉大川吉  
能體謙謙其唯君子  
用涉大難  
象曰謙謙君子卑以自牧也  
牧養也  
九三勞謙

君子有終吉  
勞謙匪懈是以吉也  
象曰勞謙君子萬民服也  
豫象曰雷出地奮豫象曰豫順以動故天地如之天地

以順動故日月不過而四時不忒聖人以順動則刑罰  
清而民服豫之時義大矣哉  
澤中有雷動

隨象曰澤中有雷隨君子以向晦入宴息  
悅之象也物皆悅隨可以無為不勞明  
象曰隨時之義大矣哉  
得時則天監故君子向晦入宴息也



下隨之矣隨之所施唯在於時時異而不隨否之道也故隨時之義大矣哉

觀象曰風行地上觀先王以省方觀民設教象曰頤而

巽中正以觀天下觀天之神道而四時不忒聖人以神

道設教而天下服六四觀國之光利用賓于王居觀之時取近

至尊觀國之光者也居近得位明習國儀者也故曰利用賓于王也

九五觀我生君子無咎罪在余一人君子風著己乃無咎上為化主將欲自

觀乃觀衆吉也民也

噬嗑象曰雷電噬嗑先王以明罰整法象曰剛柔分動

而明雷電合而彰剛柔分動不滯乃明雷電並合

賁象曰山下有火賁君子以明庶政無敢折獄處賁之時止物

羣書治要 卷之一 五 連筠移叢書 靈石楊氏葉

以文明不可以威刑故君子以明庶政而無敢折獄也 象曰觀乎天文以察時變

觀乎人文以化成天下六五賁于丘園束帛芟芟吝終

吉為飾之主飾之盛者也施飾於物其道害矣施飾丘園盛莫大焉故曰賁于丘園束帛乃芟芟用莫過儉

泰而能約故必吝焉乃得終吉也

大畜象曰天在山中大畜君子以多識前言往行以畜

其德物之可畜於懷令德不散盡於此也 象曰大畜剛健篤實暉光日新

其德凡物能暉光日新其德者唯剛健篤實者也

頤象曰山下有雷頤君子以慎言語節飲食言語飲食猶慎而節

之而況 象曰頤貞吉養正則吉也天地養萬物聖人養

賢以及萬民頤之時大矣哉

大矣哉

本書整作教

大矣哉 神淵異而



習坎象曰水洊至習坎君子以常德行習教事

至險未夷教不

可廢故以常德行而習教事也習于坎然後能不以險難為困而德行不失常

也天險不可升也

不可得升故得保其威尊

地險山川丘陵也

陵故物得保以全也王公設險以守其國

國之為衛恃於險也言自天地以下莫不須險也

險之時用大矣哉

非用之常用有時也

離象曰明兩作離大人以繼明照于四方

繼謂不絕

象曰離

麗也

麗猶著也各得所著之宜者也

日月麗于天百穀草木麗乎土重

明以麗乎正乃化成天下

咸象曰山上有澤咸君子以虛受人

以虛受人物乃感應也

象曰

咸感也柔上而剛下二氣感應以相與天地感而萬物

羣書治要 卷之一 六 連筠蓀叢書 靈石楊氏棗

化生

乃化生也

聖人感人心而天下和平觀其所感而

天地萬物之情可見矣

天地萬物之情見於所感也

恒象曰雷風恒

長陽長陰合而相與可久之道也

君子以立不易方

得其所久其不易也彖曰天地之道恒久而不已也

故不已也得天而能久照四時變化而能久成聖人久於其道而

天下化成

言各得所恒故皆能久長也

觀其所恒而天地萬物之情

可見矣

天地萬物之情見於所恒也

九三不恒其德或承之羞

德行無恒自相違錯不可致不恒其德無所容也

遯象曰天下有山遯

天下有山陰長之象也

君子以遠小人

而嚴九五嘉遯貞吉

遯而得正反制於內小人應命率正其志不惡而嚴得正之吉遯之



嘉音也。象曰嘉遯貞吉以正志也。上九肥遯無不利。取處外極無應於內超然絕志心無疑顧憂患不能累增繳不能及是以肥遯無不利也。象曰肥遯無不利無所疑也。

大壯象曰雷在天上大壯君子以非禮弗履。壯而違禮則凶凶則

失壯矣故君子以大壯而順禮也。象曰大壯利貞大者正也正大而天地之情可見矣。天地之情正大而已弘正極大則天地之情可見矣

晉象曰明出地上晉君子以自昭明德。以顯著明自顯之道

明夷象曰明入地中明夷君子以莅眾。莅眾顯明蔽偽百姓者也故以

蒙養正以明用晦而明。藏明於內乃得明也象曰內文明而外柔順以蒙大難文王以之利艱貞晦其明也內

羣書治要 卷之一 七 連筠蓀叢書 靈石楊氏栞

難而能正其志箕子以之。家人象曰風自火出家人。由內相成職也君子以言有物而行

有恒。家人之道修於近小而不妄者也故君子言必有物而口無擇言行必有恒而身無擇行也象

曰家人女正位乎內男正位乎外天地之大義也家人

有嚴君焉父母之謂也父子兄弟兄弟夫夫婦婦

而家道正正家而天下定矣。

睽象曰上火下澤睽君子以同而異。同於通理異於職事象曰睽

火動而上澤動而下天地睽而其事同也男女睽而其

志通也萬物睽而其事類也睽之時用大矣哉。睽離之時非小

人之所能用也。

蹇象曰山上有水蹇君子以反身修德除難莫若反身修德也象

曰蹇難也險在前也見險而能止智矣哉六二王臣蹇

蹇匪躬之故處難之時履當其位執心不同志匡王室者也故曰王臣蹇蹇匪躬之故也履中行

義以存其上處蹇以此未見其尤也象曰王臣蹇蹇終無尤也

解象曰雷雨作解君子以赦過宥罪象曰天地解而雷

雨作雷雨作而百果草木皆甲坼天地否結則雷雨不

作也雷雨之作則險厄者亨否作交通感散雷雨乃

結者散故百果草木皆甲坼也解之時大矣哉無所而

六三負且乘致寇至貞吝處非其位履非其正以附於

二負四以容其身寇之來也自己四用夫柔邪以自媚者也乘

所致矣雖幸而免正之所賤也

損象曰山下有澤損君子以懲忿窒欲可損之善莫象

羣書治要 卷之一 八 連筠籙叢書 靈石楊氏采

曰損益盈虛與時偕行自然之質各定其分損益將何

也加焉非道之常故必與時偕行

益象曰風雷益君子以見善則遷有過則改矣從善改

大 象曰益損上益下民悅無疆自上下下其道大光利

焉過益莫有攸往中正有慶五處中正自上下下故有慶也以中

哉正有慶之德有攸往也何適而不利

升象曰地中生木升君子以慎德積小以成高大

革象曰澤中有火革象曰革水火相息凡不合而後變

後變生者也 天地革而四時成湯武革命順乎天而

應乎人革之時大矣哉上六君子豹變小人革面居變



變道已成君子處之能成其文  
小人樂成則變面以順上也

鼎象曰木上有火鼎象曰鼎象也以木巽火亨飪也聖

人以享上帝而大亨以養聖賢亨者鼎之所為也革去  
故而鼎成新故為亨飪

調和之器也去故取新聖賢不可失也能熟也天下莫  
不用之而聖人用之乃上以亨上帝下以大亨養聖賢  
焉

震震驚百里不喪七鬯威震驚乎百里則足可以不喪  
七鬯矣七所以載鼎實鬯香酒

奉宗廟之象曰洊雷震君子以恐懼修省象曰震亨震

來虩虩恐致福也震驚百里驚遠而懼邇也威震驚乎  
百里則情

者懼於出可以守宗廟社稷以為祭主也明所以堪長  
子之義也不

近矣喪七鬯則已出可以守宗廟也

羣書治要 卷之一 九 連筠蓼叢書  
靈石楊氏榮

艮象曰兼山艮君子以思不出其位各止其所  
不侵官也象曰艮

止也時止則止時行則行動靜不失其時其道光明止  
道

不可常用必施於不可以  
行適于其時道乃光明

豐亨王假之大而亨者王  
之所至也勿憂宜日中豐之為義闢弘  
微細通夫隱滯

者也為天下之主而令微隱者不亨憂未已也故至豐  
亨乃得勿憂也用夫豐亨不憂之德宜處天中以徧照

者也故曰象曰雷電皆至豐君子以折獄致刑文明以  
動不失

情象曰日中則昃月盈則食天地盈虛與時消息而況

於人乎況於鬼神乎豐之為用困於昃食者也施於未  
足則尚豐施於已盈則方溢不可

以為常故具陳  
消息之道也

兌象曰麗澤兌君子以朋友講習象曰兌悅也剛中而

柔外悅以利貞悅而違剛則詔剛而違悅則暴剛中而柔外所以悅以利貞也是以順乎天而應乎人天剛而不悅以先民民忘其勞悅以犯難民忘其死悅之大民勸矣哉

渙象曰風行水上渙九五渙汗其大號渙王居無咎履正居巽之中散汗大號以盪險阨者也為渙之主唯王居之乃得無咎也

節象曰澤上有水節君子以制度數議德行彖曰苦節不可貞其道窮為節過苦則物不能堪也物不能堪則不可復正也悅以行險當

位以節中正以通無悅而行險過中而為節則道窮也天地節而四時成節以制度不傷財不害民

中孚象曰澤上有風中孚君子以議獄緩死信發於中難過可亮

羣書治要 卷之一 十 連筠篔叢書 靈石楊氏栗

彖曰中孚柔在內而剛得中悅而巽孚有上四德然後乃孚乃化

邦也信立而後邦乃化也柔在內而剛得中各當其所也剛得中則直而正柔在內則靜而順悅而以巽則乖爭不作如此則物無巧競敦豚魚吉信及豚魚者

實之行著而篤信發乎其中矣蟲之潛隱者也豚者獸之微賤者也爭競之道不與忠信之德淳著則雖微隱之物信皆及之也中孚

以利貞乃應天盛之至也

小過象曰山上有雷小過君子以行過乎恭喪過乎哀

用過乎儉彖曰小過小者過而亨也小者謂凡諸小事也過於小事而通

者過以利貞與時行也過而得以利貞應時宜也柔得

中是以小事吉剛失位而不中是以不可大事成大事者必在

剛也柔而侵

大剝之道也



既濟象曰水在火上既濟君子以思患而豫防之

既濟不忘未濟也 彖曰既濟亨利貞剛柔正而位當

剛柔正而位當則邪唯正乃利貞也 九五東鄰之殺牛不如西鄰之禴祭實

受其福

牛祭之盛者也禴祭之薄者也居既濟之時而處尊位物皆濟矣將何為焉其所務者祭祀而已祭祀之盛莫盛修德故沼沚之毛蘋蘩之菜可羞之於鬼神黍稷非馨明德惟馨是以東鄰殺牛不如西鄰

之禴祭實受其福也

天尊地卑乾坤定矣卑高以陳貴賤位矣動靜有常剛

柔斷矣

剛動而柔止也動止得其方以類聚物以羣分常體則剛柔之分著矣

吉凶生矣

方有類物有羣則有同有異有聚有分也順其所同則吉乖其所趨則凶故吉凶生矣

在天成象在地成形變化見矣

象況日月星辰形況山川草木也懸象運轉以成昏明山澤通氣而雲行雨施故變化見也

是故鼓之以雷霆潤之以風雨

日月運行一寒一暑乾知大始坤作成物乾以易知坤

以簡能

天地之道不為而善始不勞而善成故曰易簡 易則易知簡則易從易

知則有親易從則有功有親則可久有功則可大

有易簡之德則能成可久可大之功 可久則賢人之德可大則賢人之業

天地易簡萬物久載其形聖人不為羣方各遂其業德業既成則入於形器故以賢人目其德業也 易簡而天

下之理得矣

易與天地准

作易以准天地也 故能彌綸天地之道仰以觀於天文俯以察於地理知幽明之故知死生之說也

幽明者始終之數也



知鬼神之情狀與天地相似德合天地故曰相似也知周乎萬物

而道濟天下以道濟天下也樂天知命故不憂順天之化故曰

樂範圍天地之化而不過範圍者擬範天地而周備其理也曲成萬物

而不遺曲成者乘變應物不係一方者也則物得宜矣故神無方而易無體神

陰陽不測易則唯變所適不可以一方一體明也仁者見之謂之仁智者見之

謂之智百姓日用而不知故君子之道鮮矣君子體道以爲用者

也體斯道者不亦鮮乎

顯諸仁藏諸用衣被萬物故曰顯諸仁日用而不知故曰藏諸用也盛德大業至

矣哉富有之謂大業廣大悉備故曰富有日新之謂盛德變化合

日生生之謂易陰陽轉易以成化生陰陽不測之謂神神也者變化之極也

羣書治要 卷之一 主 連筠蓀叢書 靈石楊氏葉

妙萬物而爲言不可以形詰者也故曰陰陽不測也

夫易廣大矣以言乎天地之間則備矣廣大配天地

變通配四時陰陽之義配日月易簡之善配至德易之

配此四義也窮理入神其德崇也子日易其至矣乎夫易聖人所以崇德而廣業

也兼濟萬物其業廣也天地設位而易行乎其中矣乾坤剛柔

聖人有以見天下之賾而擬諸其形容象其物宜乾剛坤柔

各有其體故曰擬之而後言議之而後動擬議以成其

變化擬議以動則盡鳴鶴在陰其子和之我有好爵吾

與爾靡之鶴鳴則子和修誠則物應我有好爵與物散戶庭千里應之出言猶然況其子曰君子居其室出其



言善則千里之外應之況其邇者乎居其室出其言不善則千里之外違之況其邇者乎言出乎身加乎民行

發乎邇見乎遠言行君子之樞機

樞機制動之主

樞機之發榮

辱之主也言行君子之所以動天地可不慎乎同人先

號咷而後笑子曰君子之道或出或處或默或語二人

同心其利斷金

同人終獲後笑者以有同心之應也夫所況同者豈係乎一方哉君子出處默

語不違其中則其迹雖異道同則應也

同心之言其臭如蘭藉用白茅無

咎子曰苟錯諸地而可矣藉之用白茅何咎之有慎之

至也勞謙君子有終吉子曰勞而不伐有功而不德厚

之至也語以其功下人者也德言盛禮言恭謙也者致

羣書治要

卷之一

三

連筠篔叢書靈石楊氏棗

恭以存其位者也不出戶庭無咎子曰亂之所生也則

言語爲之階君不密則失臣臣不密則失身機事不密

則害成是以君子慎密而不出也子曰爲易者其知盜

乎

言盜亦乘

易曰負且乘致寇至負也者小人之事也

乘也者君子之器也小人而乘君子之器盜思奪之矣

上慢下暴盜思伐之矣慢藏誨盜冶容誨淫易曰負且

乘致寇至盜之招也

子曰易有聖人之道四焉以言者尙其辭以動者尙其

變以制器者尙其象以卜筮者尙其占

此四存乎器象可得而用者也

是以君子將有爲也將有行也問焉而以言其受命也



下作地

如響無有遠近幽深遂知來物非天下之至精其孰能與於此參伍以變錯綜其數通其變遂成天下之文極其數遂定天下之象非天下之至變其孰能與於此易無思也無爲也寂然不動感而遂通天下之故非天下之至神其孰能與於此夫易聖人之所以極深而研幾也唯深也故能通天下之志唯幾也故能成天下之務極未形之理則曰深適動微之會則曰幾也唯神也故不疾而速不行而至子曰易有聖人之道四焉者此之謂也四者由聖道以成故曰聖人之道也

夫易開物成務冒天下之道如斯而已者也

冒覆也言易通萬物

羣書治要

卷之一

十四

連筠蓍叢書靈石楊氏葉

之志成天下之務其道可以覆冒天下也

是故聖人以通天下之志以定天下之業以斷天下之疑其孰能與於此哉古之聰明睿

智神武而不殺者夫服萬物而不以威刑者也是以明於天之道而

察於民之故以神明其德一闔一闢謂之變往來不窮

謂之通見乃謂之象兆見曰象形乃謂之器成形曰器制而用之

謂之法利用出入民咸用之謂之神

法象莫大乎天地變通莫大乎四時懸象著明莫大乎

日月崇高莫大乎富貴位所以一天下之動而濟萬物也備物致用立

成器以爲天下利莫大乎聖人探賾索隱鈎深致遠以

定天下之吉凶成天下之亹亹莫善乎蓍龜子曰天之



所助者順也人之所助者信也履信思乎順是以自天佑之吉無不利

天地之道貞觀者也

明夫天地萬物莫不保其貞以全其用也

日月之道貞

明者也天下之動貞夫一者也天地之大德曰生聖人

之大寶曰位何以守位曰仁何以聚人曰財

財所以資物生也

理財正辭禁民爲非曰義

易曰困于石據于蒺藜子曰非所困而困焉名必辱非所據而據焉身必危子曰小人不恥不仁不畏不義不見利不勸不威不懲小懲而大誡此小人之福也易曰屢校滅趾無咎此之謂也善不積不足以成名惡不積

羣書治要

卷之一

五

連筠蓀叢書靈石楊氏栞

不足以滅身小人以小善爲無益而弗爲也以小惡爲無傷而弗去也故惡積而不可掩罪大而不可解也易曰荷校滅耳凶子曰危者安其位者也亾者保其存者也亂者有其治者也是故君子安不忘危存不忘亾治不忘亂是以身安而國家可保也易曰其亾其亾繫于苞桑子曰德薄而位尊知小而謀大力少而任重鮮不及矣易曰鼎折足覆公餗其形渥凶言不勝其任也子曰知幾其神乎君子上交不諂下交不瀆其知幾乎幾者動之微君子見幾而作不俟終日易曰介于石不終日貞吉

定之於始故不待終日

君子知微知彰知柔知剛萬夫之

望此知幾其神者也子曰顏氏之子其殆庶幾乎有不善未嘗

不知知之未嘗復行也易曰不遠復無祇悔元吉子曰

君子安其身而後動易其心而後語定其交而後求君

子修此三者故全也危以動則民不與也懼以語則民

不應也無交而求則民不與莫之與則傷之者至矣

子曰履德之基也基所蹈也謙德之柄也復德之本也恒德

之固也固不傾移也損德之修也益德之裕也能益物者其德寬大也

困德之辯也困而益明

夫乾天下之至健也德行恒易以知險夫坤天下之至

順也德行恒簡以知阻能悅諸心能研諸侯之慮諸侯物主

羣書治要 卷之一 夫 連筠篔叢書 靈石楊氏棨

有為者也能悅萬物之心能精為者之務也定天下之吉凶成天下之亶亶

者凡易之情近而不相得則凶近況比交也將叛者其辭慙

中心疑者其辭枝吉人之辭寡躁人之辭多誣善之人

其辭游失其守者其辭屈

昔者聖人之作易也將以順性命之理也是以立天之道

曰陰與陽立地之道曰柔與剛立人之道曰仁與義

羣書治要卷第一 張穆校



羣書治要卷第二

秘書監鉅鹿男臣魏徵等奉勅撰

尙書

昔在帝堯聰明文思光宅天下言聖德遠著作堯典也言可

爲百代常行之道曰若稽古帝堯言能順考古道而曰放勳欽

明文思安安助功也言堯放上天世之功德而以敬允恭

克讓光被四表格于上下既有四德又信恭能讓故其

克明俊德以親九族能明俊德之士任用之九族既睦

平章百姓百姓昭明協和萬邦黎民於變時雍時

也雍和也言天下眾人皆變化從上是以風俗大和也

羣書治要

卷之二

一 連筠蓀叢書 靈石楊氏栞

虞舜側微堯聞之聰明側微賤將使嗣位歷試諸難歷

之以慎徽五典五典克從五典五常之教也謂父義母

難事慈兄弟弟恭子孝舜舉八元使布五教于四方五

教能從無違命也納于百揆百揆時敘揆度也舜舉

事百事賓于四門四門穆穆賓迎也四門宮四門也舜

賓迎之皆有美納于大麓烈風雷雨弗迷納舜於尊顯

德無凶人也應不有迷錯魯伏明舜之合於天心也正月上帝

受終于文祖堯天祿永終舜之大名也五載一巡狩羣后

四朝敷奏以言明試以功車服以庸敷奏猶徧進也諸

徧進而問焉以觀其才既則效試其居國爲象以典刑

政以著其功賜之車服以旌其所用任也履下刑墨劓以居州里而民恥之而反於禮流宥五刑



本書聽  
作聰

流放也宥三宥也言所  
流宥皆犯五刑之罪也  
當赦也

怙終賊刑怙謂怙赦宥而為者也流其工于幽洲

共工窮奇也放讜兜于崇山讜兜渾敦崇山南裔也竄三苗于三

危三苗國名也縉雲氏之後為西裔也殛鯀于羽山鯀誅也羽

山諸侯號饕餮也三危乃裔也

助乃徂落百姓如喪考妣三載四海邊密八音邊絕也密止也

堯崩百姓如喪父母絕舜格于文祖詢于四岳闢四門

止金石之音之樂也

廣致眾賢也明四目明視四方也達四聽聽達於四方也柔遠能

邇能安遠者則能安近也敦德允元所厚而尊者德也所信而行者

善而難任人悅耳目以理難之言易蠻夷率服遠無不服也連筠移叢書

羣書治要 卷之二 二 靈石楊氏棨

三載考績三考黜陟幽明黜退也陟升也三歲考功九載三考退其幽閒無功者升

其昭明有庶績咸熙九載三考眾功皆興也

曰若稽古大禹曰后克艱厥后臣克艱厥臣政乃乂黎

民敏德敏疾也能知為君之難為臣不易帝曰兪允若

茲嘉言罔攸伏野無遺賢萬邦咸寧攸所也嘉言無所伏言必用也如此

則賢材在位稽于眾舍己從人弗虐無告弗廢困窮惟

帝時克帝謂堯也舜因嘉言無所伏遂稱堯德以成其義考眾從人矜孤懲窮凡人所輕聖人所重也

益曰都帝德廣運乃聖乃神乃武乃文益因舜言又美堯也廣謂所覆

者大運謂所及者遠聖無不通神妙無方文經緯天地武定禍亂也

為天下君言堯有此德故為天所命所以勉舜也禹曰惠迪吉從逆凶惟



影響迪道也順道吉從逆凶吉凶之報蓋曰吁戒哉敬

戒無虞罔失法度罔遊于逸罔淫于樂淫過也遊逸過

貴所忽故特以爲戒也任賢勿貳去邪勿疑疑謀勿成百志惟熙

一意任賢果於去邪疑則勿行罔違道以干百姓之譽

道義所存於心者日以廣也罔違道以干百姓之譽

千求也失道求罔咈百姓以從己之欲咈戾也專欲難

名古人賤之也言天子常戒慎無怠惰禹曰於

也無怠無荒四夷來王言天子常戒慎無怠惰禹曰於

帝念哉德惟善政政在養民水火金木土穀惟修言養

本在先修正德利用厚生惟和正德以率下利用以阜

六府也正德利用厚生惟和正德以率下利用以阜

所謂善九功惟序九序惟歌言六府三事之功有次序

政也九功惟序九序惟歌言六府三事之功有次序

戒之用休董之用威勸之以九歌俾勿壞休美也董督

羣書治要卷之二三連筠篔簹書靈石楊氏棨

道美以戒之威以督之歌帝曰俞地平天成六府三

勸之使政勿壞在此三者也帝曰俞地平天成六府三

事允治萬世永賴時乃功水土治曰平五行敘曰成罔

之功帝曰咎繇惟茲臣庶罔或干予正或有也無有干

也帝曰咎繇惟茲臣庶罔或干予正或有也無有干

汝作士明于五刑以勸五教期于予治欲其能以刑輔

刑期于無刑民協于中時乃功懋哉雖或行刑以殺止

於無所刑民皆合于大咎繇曰帝德罔訥臨下以簡御

中是汝之功勉之也咎繇曰帝德罔訥臨下以簡御

眾以寬僭過也善則歸罰弗及嗣賞延于世嗣亦世也

子罪不相及也而及君人臣之義也宥過無大刑故無小過誤所犯雖

其賞道德之政也宥過無大刑故無小過誤所犯雖

故犯雖小罪疑惟輕功疑惟重刑疑附輕賞疑

必刑也罪疑惟輕功疑惟重刑疑附輕賞疑

弗辜寧失不經好生之德洽于民心茲用弗犯于有司



咎繇因帝勉已遂稱帝之德所以明民不犯上

也寧失不常之罪不枉不辜之善仁愛之道也帝曰來

禹汝惟弗矜天下莫與汝爭能汝惟弗伐天下莫與汝

爭功自賢曰矜自功曰伐言禹推善讓入而不失其人能

心惟危道心惟微惟精惟一允執厥中危則難安微則難明故戒以精

一信執其中也無稽之言勿聽弗詢之謀勿庸無考無信驗也終

必無成故戒勿聽用也可愛非君可畏非民眾非元后何戴后非

眾固與守邦庶民以君為命故可愛君失道民叛之故可畏言眾戴君以自存君恃眾以守國相

須而惟口出好興戎朕言弗弇好謂賞善戎謂伐惡言口榮辱之主慮而宣之

成於帝曰咨禹惟時有苗弗率汝徂征三苗之民數干

往也不循帝道言亂逆也命禹討之禹乃會羣后誓于師曰濟濟有眾咸

羣書治要 卷之二 四 連筠蓀叢書 靈石楊氏栞

聽朕命會諸侯共伐有苗也軍旅蠢茲有苗昏迷弗恭

蠢動也昏闇也言其所以宜討也侮嫚自賢反道敗德狎侮先王輕嫚

德義君子在野小人在位廢仁賢任姦佞民棄弗係天降之咎

言民叛之天災之也肆予以爾眾士奉詞伐罪肆故爾尙一乃心

力其克有勳三旬有苗民逆命益贊于禹曰惟德動天

無遠弗届滿招損謙受益時乃天道自滿者人損之自謙者人益之是天

道之常至誠感神矧茲有苗至和感神況有苗也言易感也禹拜昌言曰

兪班師振旅以益言為當故拜受遂班師兵入曰振旅言整眾也帝乃誕敷文德

遠人不服大布文德以來之也儻于羽于兩階七旬有苗格討而不服不討自來

明御之必有道也

誠作誠



咎繇曰允迪厥德謨明弼諧迪蹈厥其也其古人謨謀也言人君當信蹈行古人

之德謀廣聰明以輔諧其政也禹曰兪如何然其言問所以行也咎繇曰都慎厥

身脩思永身思為長久之道也惇敘九族庶民厲翼邇

可遠在茲言慎脩其身厚次敘九族則眾庶皆明其教而自勉厲翼戴上命邇可推而遠者在此道也

也禹拜昌言曰兪以咎繇言為當咎繇曰都在知人在

安民歎修身親親之道在知人所信任在能安民也禹曰吁威若時惟帝其難

之言帝堯亦以知人安民為難也知人則哲能官人安民則惠黎民懷

之哲知也無所不知故能官人惠愛也愛則民歸之也能哲而惠何憂乎驩兜何

遷乎有苗何畏乎巧言令色孔壬孔甚也壬佞也巧言恭滔天也禹言有苗驩兜之徒甚咎繇曰都亦行有九

侯侯如此堯畏其亂政故遷放之也靈石楊氏聚

羣書治要 卷之二 五 連筠蓀叢書

德言人性行有九德以寬而栗性寬弘而能莊栗也柔而立和柔而能

立考察真偽則可知也愿而恭懇愿而恭恪也亂而敬亂治也有治擾而毅擾順也

事毅行正直而簡而廉性簡大而剛而塞剛斷而

也毅行正直而直而溫氣溫和也彰厥有常吉哉彰明也吉善也明九

疆而義無所屈撓彰厥有常吉哉彰明也吉善也明九

之則政動必合義九德咸事俊乂在官使九德之人皆用事則俊

之善也德治能之士並在官也百僚師師百工惟時僚工皆官也師師相師法庶績其

疑疑成也言百無教逸欲有邦不為逸豫貪欲之教兢兢業業危兢業業一日二日萬幾兢兢戒慎業業危無曠庶官天

工人其代之曠空也位非其人為空官言人代政事懋哉言無非天意者故人君居天官聽政治事不可以不自勉也



帝曰呼臣哉鄰哉鄰哉臣哉禹曰兪言大體鄰近也言君臣道近相須而成也

帝曰臣作朕股肱耳目若身也予欲左右有民汝翼欲觀示法象左

助也助我所有之民富之服制也予欲觀古人之象右

以五采彰施于五色作服汝明天子服日月以下諸侯

下不得僭上以五采明施于五自龍衮以下上得兼下

色作尊卑之服汝明制之也子欲聞六律五聲八音

以出納五言汝聽言欲以六律和聲音出納仁義禮智

審信五德之言施於民以成化汝當聽子違汝弼汝無面從退有後言我違道汝當以義輔

退後言我正我無得面從我違不可弼也禹曰兪哉萬邦黎獻其惟帝臣惟帝時舉敷

納以言明庶以功車服以庸獻賢也萬國眾賢共為帝

其言明之皆以功大小為臣帝舉是而用之使陳布

差以車服旌其能用之也誰敢弗讓敢弗敬應是用則

羣書治要 卷之二 六 連筠修叢書 靈石楊氏葉

下皆敬應上帝弗時敷同日奏罔功帝用臣不是則遠

命而讓善也近布同而日進於

無功以賢愚並位優劣共流故也無若丹朱稟惟慢遊是好丹朱堯子

傲虐是作罔晝夜頡頏傲戲而為虐無晝夜常罔水行

舟朋淫于家用殄厥世朋羣也丹朱習於無水陸地行

也用是絕其世不得嗣也帝其念哉夔曰於予擊石拊石百獸率舞

庶尹允諧尹正也眾正官之長信皆和諧言神人治也

也帝庸作歌曰勅天之命惟時惟幾勅正也奉正天命

惟在慎微也乃歌曰股肱喜哉元首起哉百工熙哉元首君

之臣喜樂盡忠君之治功乃起百官之業乃廣也咎繇拜手稽首乃賡載歌曰

元首明哉股肱良哉庶事康哉賡續也載成也帝歌歸

美股肱義未足故續歌



先君後臣眾事乃安以成其義也

又歌曰元首叢脞哉股肱惰哉萬事墮哉叢脞細碎無大略也君如此則臣懈

帝拜曰俞欽哉拜受其歌戒羣臣自今已往敬職也

太康尸位以逸豫啟子也尸主也以尊位為逸豫不勤也滅厥德黎民咸

貳君喪其德則眾民二心也乃盤遊無度盤樂遊逸無法度也畋于有洛之表

十旬弗反洛水表也有窮后羿因民弗忍拒于河有窮國名羿諸侯名

也拒太康於河遂廢之也厥弟五人御其母以從御侍言從畋也俟于洛之

汭五子咸怨待太康怨其久畋失國也述大禹之戒以作歌述循也其

一曰民惟邦本本固邦寧言人君當固民以安國也予視天下愚夫

愚婦一能勝予言能敬畏小民所以得眾心也怨豈在明不見是圖不見

羣書治要 卷之二 七 連筠蓂叢書 靈石楊氏棗

是謀備其微也予臨兆民廩乎若朽索之馭六馬廩危貌也朽腐也腐索御

馬言危懼甚也為人上者柰何弗敬能敬則不驕在上不驕則高而不危也其二

曰訓有之內作色荒外作禽荒迷亂曰荒甘酒嗜音峻宇雕

牆有一于此未或弗亾此六者有一必亾况兼有乎其三曰惟彼陶

唐有此冀方陶唐帝堯氏都冀州也今失厥道亂其紀綱乃底滅

亾言失堯之道亂其法制自致亾滅也其四曰明明我祖萬邦之君有典

有則貽厥子孫典謂經籍也則法也荒墮厥緒覆宗絕祀言古制存而太

康失其業以亾也其五曰烏虜曷歸予懷之悲曷何也言萬世思而悲也萬世

仇予子將疇依仇怨也言當依誰以復國乎鬱陶乎予心顏厚有忸

怩鬱陶言哀思也顏厚色愧忸怩心慙也慙愧於仁人賢士也弗慎厥德雖悔可追

心慙也慙愧於仁人賢士也



言人君行已不慎其德以速滅敗雖欲改悔其可追及乎言無益也

成湯放桀于南巢惟有慙德曰予恐來世

以台爲口實恐來世論道我放天子常不去口也仲虺乃作誥陳義告湯可無慙也

曰烏虜惟天生民有欲無主乃亂民無君主則恣情也惟

天生聰明時又言天生聰明是治民亂也有夏昏德民墜塗炭夏桀聞亂

不恤下民民之危險若惟王弗邇聲色弗殖貨利邇近

德懋懋官功懋懋賞用人惟己改過弗吝勉於德者則勉之以官勉

於功者亦勉之以賞用人之言若自己出克寬克仁彰

信兆民言湯寬仁之德明信於天下也乃葛伯仇餉初征自葛東征西

夷怨南征北狄怨葛伯遊行見農民之餉於田者殺其入奪其餉故謂之仇餉仇怨也曰

羣書治要 卷之二 八 連筠篔叢書 靈石楊氏栞

奚獨後予怨者攸徂之民室家相慶曰後予后后來其

蘇湯所往之民皆喜曰待我君君來其可蘇息也右賢輔德顯忠進良賢則助

輔之忠則顯之良則進之明王之道推亾固存邦乃其昌有亾道則推而亾之有存道則

輔而固之王者如此國乃昌盛也德日新萬邦惟懷志自滿九族乃離

日新不懈怠也王懋昭大德建中于民以義制事以禮

制心垂裕後昆欲王自勉明大德立大中之道於民率義奉禮垂優足之道示後世也子

聞曰能自得師者王求聖賢謂人莫己若者亾人多足

蓋己亾好問則裕自用則小問則有得所以足也烏虜

慎厥終惟其始靡不有初鮮克有終殖有禮覆昏暴有

者封殖之昏欽崇天道永保天命王者如此上事則敬天安命之道也

者封殖之昏 欽崇天道永保天命 敬天安命之道也



王歸自克夏至于亳誕告萬方

誕大也以天命大曰夏義告萬方之眾人

王滅德作威以敷虐于爾萬方百姓

夏桀滅德作威刑以布行虐政於天下百官言殘酷也

肆台小子將天命明威弗敢赦其爾萬方有

罪在予一人自責化不至也

予一人有罪無以爾萬方

非所及也烏虜尙克時忱乃亦有終

成湯既歿伊尹作伊訓

方懋厥德罔有天災

孫弗率皇天降災假手于我有命

惟我商王布昭聖武代虐以寬兆民允懷

羣書治要

羣書治要

卷之二

九

連筠蓀叢書靈石楊氏采

言善惡之由無不立愛惟親立敬惟長始于家邦終于

四海

輔于爾後嗣

制官刑儆于有位

言湯制治官刑法儆戒百官也

曰敢有恆舞于宮酣歌于室時謂巫風

風遊戲田獵是淫過之風俗

德比頑童時謂亂風

惟茲三風十愆卿士有一于身家必

喪

臣下弗匡其刑墨

正君服墨刑鑿其頷混以墨也



烏虜嗣王祗厥身念哉言當敬身也惟上帝弗常作善降

之百祥作不善降之百殃祥善也天之禍福唯善惡所在不常在一家也爾惟

德罔小萬邦惟慶修德無小則天下賴慶也爾惟弗德罔大墜厥宗

苟為不德無大必墜失宗廟此伊尹至忠之訓也

太甲既立弗明不用伊尹之訓伊尹放諸桐湯葬地也王祖

桐宮居憂往入桐宮居憂位也克終允德言能思念其祖終其信德也

惟三祀伊尹奉嗣王歸于亳王拜稽首曰小子弗明

于德自底弗類類善也闡於德故自致不善也欲敗度縱敗禮以速戾

于厥躬禮儀法度以召罪於其身也天作孽猶可違自

作孽弗可違孽災也追逃也言天災可避自作災不可逃也既往背師保之訓

羣書治要 卷之二 十 連筠篔叢書靈石楊氏葉

弗克于厥初尚賴匡救之德圖惟厥終言已已往之前不能脩德於其

初今庶幾賴教訓之德謀終於善悔過之辭也伊尹拜手稽首拜手首至手也曰修厥

身允德協于下惟明后言脩其身使信德合于羣下惟乃明君先王子惠

困窮民服厥命罔有弗悅言湯子愛困窮之人使皆得其所故民心服其教令無有

不欣喜也奉先思孝接下思恭以念祖德為孝以不驕慢為恭也視遠惟明

聽德惟聰言當以明視遠以聰聽德朕承王之休無斁王所行如此則我承王之

美無厭也伊尹申誥于王曰烏虜惟天無親克敬惟親言天於人無所親疏

唯親能敬身者民無常懷懷于有仁民所歸無常以仁政為常也鬼神無常

享享于克誠言鬼神不侏一人能誠信者則享其祀天位難哉言居天子之位難以



此三者 德惟治否德亂為政以德則治不以德則亂也與治同道罔弗興

與亂同事罔弗凶言安危在所任治亂在所法也若升高必自下若陟

遐必自邇言善政有漸如登高升遠必用下近為始然後致高遠也無輕民事惟難

必重難之乃可也無安厥位惟危言當常自危懼以保其位也慎終

于始於始慮終於終慮始有言逆于汝心必求諸道人以言拂道汝心必以道

義求其意勿有言遜于汝志必求諸非道遜順也言順汝心必以非

道察之勿烏虜弗慮胡獲弗為胡成一人元良萬邦以

貞胡柯也貞正也言常念慮道德則得道德念為善政則成善政也一人天子有大善則天下得正

也君罔以辨言亂舊政利口覆國家故特慎焉臣罔以寵利居成

功成功不逞其志無限故為之極以安之也邦其永孚于休言君臣各以其道則國長信保

羣書治要 卷之二 十一 連筠蓀叢書 靈石楊氏琛

於美也

伊尹既復政厥辟遷政太甲將告歸乃陳戒于德告老歸邑陳德以戒

曰烏虜天難忱命靡常以其無常故難信也常厥德係厥位厥德

匪常九有以亾人能常其德則安其位九有諸侯也夏王弗克庸德慢神

虐民言桀不能常其德不敬神明不恤下民皇天弗保言天不妄桀所為眷求一

德俾作神主天求一德使代桀為天地神祇之主惟尹躬暨湯咸有一德

克享天心受天明命享當也非天私我有商惟天祐于一

德非天私商而王之也非商求于下民惟民歸于一德祐助一德所以王也

非商以力求民德惟一動罔弗吉德二三動罔弗凶惟

民自歸於一德

吉凶不僭在人惟天降災祥在德行善則吉行惡則凶是不差也德一天降



之福不一天降今嗣王新服厥命惟新厥德其命王命也新其德也戒勿終始惟一時乃日新言德行終始不衰殺任官惟

賢材左右惟其人官賢才而在之非賢才不可任也其選左右必忠良不忠良非其人也其難其慎惟和惟一也羣臣當和一心事君政乃善也后

非民罔使民非后罔事君以使民自尊無自廣以狹人

匹夫匹婦弗獲自盡民主罔與成厥功上有狹人之心則下無所自盡

矣言先盡其心然後乃能盡其力人君所以成功也

高宗夢得說小乙子也名武丁夢得賢相其名曰說也使百工營求諸野得

諸傳巖使百官以所夢之形象經營求之於外野得之於傳巖之溪也曰朝夕納誨以

輔台德言當納諫誨直辭以輔我若金用汝作礪若濟巨川用汝作

羣書治要 卷之二 主 連筠蓀叢書 靈石楊氏棗

舟楫若歲大旱用汝作霖雨啟乃心沃朕心若藥弗瞑

眩厥疾弗瘳開汝心以沃我心如服藥必瞑眩極其病乃除欲其出切言以自警也若跌

弗視地厥足用傷言欲使爲己視聽也惟暨乃僚罔弗

同心以匡乃辟與汝並官皆當倡率無不同心以匡正汝君也說復于王曰惟

木從繩則正后從諫則聖言木以繩直君以諫明也后克聖臣弗命

其承君能受諫則臣不待命其承意而諫也誰敢弗祗若王之休命言如此誰

敢不敬順王之美命而諫也

惟說命總百官在冢宰之任也乃進于王曰烏虜明王奉若天

道建邦設都天有日月五星皆有尊卑相正之法言明王奉順此道以立國設都也樹后

王君公承以大夫師長言立君臣上下也將陳爲治之本故先舉其始也弗惟



逸豫惟以亂民不使有位者逸豫於民上惟口起羞惟

甲冑起戎言不可輕教惟衣裳在笥惟干戈省厥躬言

不可加非其人兵言不可任非其才也王惟戒茲允茲克明乃罔弗休言王

政乃無不美也四惟之事情能明惟治亂在庶官所官得人則治官弗

及私昵惟其能不加私昵唯爵弗及惡德惟其賢言非

慮善以動動惟厥時非善非時有其善喪厥善矜其

能喪厥功雖天子亦必無啟寵納侮開寵非其人則無

恥過作非恥過誤而文王曰旨哉說乃言惟服旨美也

服行也言皆可乃弗良于言子罔聞于行汝若不善於所言則

說拜稽首曰非知之艱行之惟艱言知易而行之

羣書治要 卷之二 三 連筠篔叢書 靈石楊氏棨

王曰來汝說爾惟訓于朕志言汝當教訓於我若作酒

醴爾惟麴蘖酒醴須麴蘖以成若作和羹爾惟鹽梅醴

梅醉羹須鹹亦我須汝以成也說曰王人求多聞時惟建事學于古訓乃

有獲王者求多聞以立事事弗師古以克永世匪說攸

聞事不法古訓而以王曰烏虜說四海之內咸仰朕德

時乃風仰我德是汝教也股肱惟人良臣惟聖手足具

有良臣乃成聖也昔先正係衡作我先王係衡伊尹也作起也

之臣 乃曰子弗克俾厥后惟堯舜其心愧恥若撻于市

言伊尹不能使其君如堯舜 一夫弗獲則曰時予之辜 則心恥之若見撻于市也 伊尹見一夫不得其 所則以為己罪也 右我烈祖格于皇天 言以此道左 右成湯功至



大爾尙明侏子罔俾阿衡專美有商汝庶幾明安我事與伊尹同美也

惟后非賢弗又惟賢非后弗食言君須賢以治賢須君以食也其爾克

紹乃辟于先王永綏民能繼汝君於先王安民則汝亦有休衛之功也說拜

稽首曰敢對揚天子之休命受美命而稱揚之也

武王伐殷師渡盟津王曰今商王受弗敬上天降災下

民沈湎冒色敢行暴虐沈湎嗜酒冒亂女色敢行酷暴虐殺無辜也罪人以

族官人以世一人有罪刑及父母兄弟妻子言淫濫也官人不以賢才而以父兄所以政亂也

焚炙忠良剝勞孕婦忠良無罪焚炙之懷子之婦剝別視之言暴虐也皇天震

怒惟受罔有悛心乃夷居弗事上帝神祇遺厥先宗廟

弗祀悛改也言紂縱惡無改心平居無故廢天地百神宗廟之祀慢甚也乃曰吾有民有

靈石楊氏泉

命罔懲其侮紂言吾所以有光民有天命故也羣臣畏罪不爭無能止其慢心同力度

德同德度義力鈞則有德者勝德鈞則秉義者彊揆度優劣勝負可見受其臣億萬

惟億萬心人執與心不和諧也子有臣三千惟一心三千一心言同欲也商

罪貫盈天命誅之子弗順天厥罪惟鈞紂之爲惡一以貫之惡貫已滿

天畢其命今不誅紂則爲逆天與紂同罪天矜于民民之所欲天必從之憐

也言天除惡樹善與民同也時哉不可失言今我伐紂正是天人合同之時不可違失也

王次于河朔次止羣后以師畢會王乃徇師而誓曰我聞

吉人爲善惟日弗足凶人爲不善亦惟日弗足言吉人竭日以行惡者也今商王受力行無度播棄鞶老昵比罪

人昵近也罪人謂天下逋逃小人也剝喪元良賊虐諫

人爲善凶人亦竭日以行惡者也今商王受力行無度播棄鞶老昵比罪人

人昵近也罪人謂天下逋逃小人也剝喪元良賊虐諫

卷之二

連筠蓀叢書



輔割傷害也賊殺也元善之長謂已有天命謂敬弗足

行謂祭無益謂暴無傷天其以予又民用我治民受有

億兆夷人離心離德平人凡人也雖多而子有亂臣十

人同心同德我治理之臣雖少而心德同也今朕必往百姓廩廩若崩

厥角言民畏紂之虐危懼不安若崩摧其角無所容頭也烏虜乃一德一心立定

厥功惟克永世汝同心立功則能長世以安也

王曰商王受自絕于天結怨于民不敬天自絕之也訢

朝涉之脛剖賢人之心崇信姦回放黜師保屏棄典刑

囚奴正士屏棄常法而不顧也箕子正諫而以為囚奴也郊社弗修宗廟弗享

作奇伎淫巧以悅婦人古人有言曰撫我則后虐我則

羣書治要 卷之二 五 靈石楊氏聚

讎武王述古言以明義言非唯今惡紂也獨夫受洪惟作威乃汝世讎獨

夫失君道也大作威殺無辜乃是汝累世讎明不可不討也樹德務滋除惡務本立

務滋長除惡務除本言紂為天下惡本也肆予小子誕以爾眾士殄殲乃讎言欲行除惡之義絕盡紂也

武王與受戰于牧野王曰古人有言牝雞無晨言無晨鳴之道

牝雞之晨惟家之索索盡也喻婦知外事雖代雄鳴也今

商王受惟婦言是用婦已惑紂紂信用之乃惟四方之多罪逋逃

是崇是長言紂棄其忠臣而尊長逃心罪人信用之是信是使是以為大夫

卿士俾暴虐于爾百姓以姦宄于商邑使四方罪人暴虐姦宄於都邑

也今予發惟冀行天之罰



王來自商至于豐乃偃武修文倒載千戈示不復用也  
歸馬于華山之陽放牛于桃林之野示天下弗服示天

下不復王若曰今商王為天下逋逃主肆予東征陳于  
商郊受率其旅若林會于牧野罔有敵于我師前徒倒

戈攻于後以北血流漂杵壹戎衣天下大定一著戎服  
而滅紂言

與眾同心動釋箕子囚封比干墓式商容閭封蓋其土  
有成功也

人紂所散鹿臺之財發巨橋之粟紂所積之府倉也皆  
黜退

大賚于四海而萬姓悅服施舍已責救乏賜無所謂周  
有大賚也天下皆悅仁服德

西旅獻獒西旅遠國大保乃作旅獒用訓于王陳貢獒  
也貢大犬

羣書治要 卷之二 十一 連筠篲叢書  
靈石楊氏栞

訓諫 曰烏庠明王慎德四夷咸賓言明王慎德以懷  
也

有遠近畢獻方物惟服食器用天下萬國盡貢方土所  
生之物惟可以供服食

器用者言不王乃昭德之致于異姓之邦無替厥服德  
為耳目華侈

所致謂遠夷之貢也以分賜分珣玉于伯叔之國時庸  
異姓諸侯使無廢其職也

展親以寶玉分同姓之國是人弗易物惟德其物言物  
用誠信其親親之道也

人也有德則物貴無德德盛弗狎侮盛德必自敬何狎  
則物賤所貴在德也

狎侮君子罔以盡人心以虛受人則狎侮小人罔以盡  
人盡其心矣

其力以悅使民民忘玩人喪德玩物喪志以人為戲弄  
以器物為戲弄

則喪其志矣 弗作無益害有益功乃成弗貴異物賤  
則喪其志矣

用物民乃足遊觀為無益奇巧為異物言明王之道犬  
以德義為益器用為貴所以化俗生民

舊無功  
字無益  
字皆補  
之



馬非其土生弗畜非此土所生不畜以不習其用珍禽奇獸弗育于國

皆非所用有所損害故也弗瑤遠物則遠人格利則來服所瑤惟賢

則邇人安寶賢在能則近人安烏虜夙夜罔或弗勤言

常勤弗務細行終累大德輕忽小物積害毀大為山九

仞功虧一簣論向成也未成一簣猶不為山故曰功虧

允迪茲生民保厥居惟乃世王言其能信蹈行此誠則

世王天下也武王雖聖猶設此誠況其非生民安其居天子乃世

王若曰小子封封康惟乃丕顯考文王克明德慎罰弗

敢侮鰥寡庸庸祗祗威威顯民惠恤窮民不慢鰥夫寡

刑明此道婦用可用敬可敬刑可天乃大命文王殪戎殷誕受厥命乃大命之

羣書治要卷之二 七連筠篔簹書

殺兵般大受其王命往盡乃心無康好逸豫往當盡汝心為政我

聞曰怨弗在大亦弗在小惠弗惠懋弗懋不在大起於

小至於大也言怨不可為故當使不順者順不勉者勉也若保赤子惟民其康乂愛

惟民其皆安治也非汝封刑人殺人言得刑無或刑

人殺人無以得刑殺人非汝封劓人劓截鼻也無或

劓則人所以舉輕刑以戒王曰封元惡大憝矧惟弗孝

弗友言人之罪惡莫乃其速由文王作罰刑茲無赦言

亦速用文王所作違教大於不孝不友敬哉無作怨勿用非謀非彛言

之罰刑此無得赦也修己以敬無為可怨之事小子封惟命弗于常當念天

於常也勿用非善之謀非常之事之行惡則失之命之不



王若曰乃穆考文王誥庶邦御事朝夕曰祀茲酒文王所告

眾國治事吏朝夕勅之唯曰小大邦用喪亦罔非酒惟

祭祀而用此酒不常飲也飲惟祀德將無醉飲酒惟當因

辜於小大之國所用喪將無在昔殷先哲王惟御事弗敢自暇自逸惟殷御治

至醉無不以酒為罪也敢亦弗暇非徒不敢志在助君敬法亦不暇飲敢況敢聚會飲酒乎

敢自寬暇矧曰其敢崇飲崇聚也自逸暇猶不弗惟弗

其身不惟荒腆于酒弗惟自息言紂大厚於酒庶羣嗜

憂政也酒腥聞在上故天降喪于殷紂眾羣臣用酒耽荒腥穢

天非虐惟人自速辜言凡為天所凶天非虐古賢聖有言人無於水鑑當

曰人無于水鑑當于民鑑於民鑑也視水見已形視民

羣書治要卷之二 大 連筠移叢書 靈石楊氏粟

行事見今惟殷墜命我其可弗大鑑今惟殷紂無道墜

吉凶大視為戒也周公作無逸中人之性好逸豫成王即政周公曰烏虘

君子所其無逸歎美君子之道所戒名篇先知稼

穡之艱難乃逸則知小人之依稼穡農夫之艱難事先

民所我聞曰昔在殷王中宗大戊治民祗懼弗敢荒寧

為政敬身畏懼享國七十有五年以敬畏之故得其在

不敢荒怠自安高宗嘉靖殷邦至于小大無時或怨善謀殷國至於小

怨享國五十有九年其在祖甲湯孫爰知小人之依能

係惠于庶民弗侮鰥寡知小人之所依依仁政也故能



享國三十有三年自時厥後立王生則逸從是三五各承其後而立

者生則逸豫無法度也弗知稼穡之艱難弗聞小人之勞惟耽樂

之從過樂謂之耽惟耽樂之故無或亦罔或克壽有能壽者也

十年或七八年或四三年言逸樂之損壽也惟我周

大王王季克自抑畏大王周公曾祖王季即祖也言皆能以義自抑畏敬天命也文

王卑服文王節儉卑其衣服自朝至于日中昃弗皇暇食用咸和

萬民從朝至日昃不暇食思慮政事用皆協和萬民者也厥享國五十年自殷王

中宗及我周文王茲四人迪哲言此四人皆蹈智明德以臨下也厥或

告之曰小人怨汝詈汝則皇自敬德其有告之言小人怨詈者則大自敬

德增修善政也此厥弗聽人乃或譴張爲幻曰小人怨汝詈汝

羣書治要

卷之二

九

連筠穆叢書靈石楊氏葉

則信之此其不聽中正之君有人誑惑之言小人怨憾譴詈汝則信受之也亂罰無罪殺

無辜怨有同是叢于厥身信讒舍怒罰殺無罪則天下同怨讎之叢聚於其身也

烏虜嗣王其監于茲視此亂罰之禍以爲戒也視此亂罰之禍以爲戒也

蔡叔既沒以罪放而卒也王命蔡仲踐諸侯位王成王也父卒命子罪不相及

王若曰小子胡胡神名也皇天無親惟德是輔民心無常惟

惠之懷天之於人無有親疏惟有德者則輔佐之民心於上無有常主惟愛已者則歸往之爲善

弗同同歸于治爲惡弗同同歸于亂爾其戒哉慎厥初

惟其終康濟小民率自中無作聰明亂舊章汝爲政當安小民之業循用大中之道無敢爲小聰詳乃視聽罔以側言改

明作異辯以變亂舊典文章也詳乃視聽非禮義勿視聽也無厥度則子一人汝嘉詳審汝視聽非禮義勿視聽也無以邪巧之言易其常度必斷之以



義則我一  
人善汝矣  
小子胡汝往哉無荒棄朕命  
汝往之國無廢我命欲其終身

王若曰猷告爾四國多方順大道惟聖罔念作狂惟狂

克念作聖惟聖人無念於善則為狂人惟狂人能念善則為聖人言桀紂非實狂愚以不念善故滅

也自作不和爾惟和哉爾室弗睦爾惟和哉爾邑克明

爾惟克勤乃事小大眾官自為不和汝有方多士當和之哉汝親近室家不睦汝亦當和之汝

邑中能明是汝惟能勤職事也

周公戒于王曰文王罔攸兼于庶言庶獄庶慎惟有司

之牧夫文王無所兼知於毀譽眾言及眾刑獄眾所當慎之事惟慎擇有司牧夫而已勞於求才逸於

賢是訓用違庶獄庶慎文王罔敢知于茲是萬民順法用違法眾獄

羣書治要 卷之二 辛 連筠移叢書 靈石楊氏棗

眾慎之事文王一無敢自知於此委任賢能而已也武王率惟救功弗敢替厥義

德武王循惟文王撫安天下之功孺子王矣稚子今已為王矣不

可不敢廢其義德奉遵父道也繼自今文子文孫其勿誤于庶獄庶慎惟正

是父之文子文孫文王之子孫也從今以往惟以正是之道治眾獄眾慎其勿誤也

王曰若昔大猷制治于未亂保邦于未危言當順古大道制治安國

必於未亂未危之前思患豫防之曰唐虞稽古建官惟百內有百揆四

岳外有州牧侯伯道堯舜考古以建百官上下相維內外咸治也庶政惟和萬

國咸寧官職有序故眾政惟和萬國皆安所以為至治也夏商官倍亦克用乂

禹湯建官二百亦能用治言不及唐虞之清要也明王立政弗惟其官惟其人

言聖帝明王立政修教也不立太師太傅太保茲惟三



公論道經邦變理陰陽師天子所師法傅傅相天子係安天子於德義者也此惟三公之任佐王論道以經緯國事和理陰陽也官弗必備唯其人三公之官不

處之也乃少師少傅少保曰三孤孤特也卑於公尊於

貳公弘化寅亮天地弼子一人副貳三公弘大道化敬

治冢宰掌邦治統百官均四海信天地之教輔我一八

之內邦國司徒掌邦教敷五典擾兆民化布五常之教

言任大宗伯掌邦禮治神人和上下春官卿主

安和天下眾民宗伯掌邦禮治神人和上下春官卿主

使小大協睦也宗伯掌邦禮治神人和上下春官卿主

神祇人鬼之事及國之五宗伯掌邦禮治神人和上下春官卿主

禮以和上下尊卑等列也司馬掌邦政統六師平邦國

夏官卿主戎馬之事掌國征伐統司空掌邦土居四民時

正六軍平治王邦四方之亂也司空掌邦土居四民時

刑暴亂秋官卿主寇賊法禁治司空掌邦土居四民時

羣書治要靈石楊氏葉

地利冬官卿主國空土以居士農工商六卿分職各帥

其屬以倡九牧阜成兆民六卿各率其屬官大夫士治

乃攸司慎乃出令令出惟行弗惟反有官君子大夫以

敬所司慎出令從政之本也令出必惟上也歎而戒之使

允懷從政以公平滅私學古入官議事以制政乃弗迷

無以利口亂厥官其汝為政當以舊典常故事為弗學

牆面莅事惟煩人而不學其猶正牆面戒爾卿士功崇

惟志業廣惟勤此戒凡有官位但言卿士舉其掌位弗

卷之二

連筠蓀叢書



期驕祿弗期侈

貴不與驕期而驕自至富不與侈期恭而侈自來驕侈以行己所以速也

儉惟德無載爾偽

言當恭儉惟以立作德心逸日休作德無行姦偽也

僞心勞日拙

為德直道而行於心逸豫而名日美為僞飾巧百端於心勞苦而事日拙不可為之也

居寵思危罔弗惟畏弗畏入畏

言雖居貴寵當常思危懼無所不畏若乃

不畏則入刑

推賢讓能庶官乃和

賢能相讓俊又在舉能官所以和諧也

其官惟爾之能稱匪其人惟爾弗任

所舉能修其官惟亦汝之功能也舉

非其人惟亦汝

王曰烏虜三事暨大夫敬爾有官亂爾

之不勝其任也

有政

歎而勅公卿以下各敬居汝

以右乃辟永康兆民

萬邦惟無斁

言當敬治官政以助汝君長安天下兆民則天下萬國惟乃無厭我周德也

周公既歿命君陳分正東郊成周

命王重周公所營故命君陳分居正東郊

羣書治要

卷之二

三

連筠蓼叢書靈石楊氏菜

成周之邑

王若曰君陳我聞曰至治馨香感于神明黍稷非

馨明德惟馨

所聞上古聖賢之言也政治之至者芬芳馨氣動於神明所謂芬芳非黍稷之氣乃

明德之馨厲

凡人未見聖若弗克見既見聖亦弗克由

聖

此言凡人有初無終也未見聖道如不能得見已見聖道亦不能用之所以民從上教

爾惟風下民惟草

汝戒勿為凡人之行也民從上教而變猶草應風而偃不可不慎也

依勢作威無倚法以削

無乘勢位作威民上無倚法制以行刻削之政

制從容以和

寬不失制動不失和德教之治也

殷民在辟子曰辟爾惟

勿辟子曰宥爾惟勿宥惟厥中

殷民有罪在刑法者我白刑之汝勿刑也我曰

赦宥汝勿宥也惟其

有弗若于汝政弗化于汝訓辟以

正辟乃辟

有不順於汝政不變於汝教刑之而懲止犯刑者乃刑之也

爾無忿疾于



王舊作命改之

頑無求備于一人人有頑翬不喻汝當訓之無忿忍疾之使人當器之無責備於一夫也

王曰烏虜父師畢公代周公為大師為東伯命之代君陳也政貴有恆辭尚

體要弗惟好異政以仁義為常辭以體實為要故貴尚之若異於先王君子不好也商俗

靡靡利口惟賢餘風未殄公其念哉紂以靡靡利口為賢覆亡國家今殷

民利口餘風未絕我聞曰世祿之家鮮克由禮以蕩陵公其念絕之也

德實悖天道世有祿位而無禮教少不以放蕩陵邇有德者如此實亂天道也弊化奢

麗萬世同流言弊俗相化車服奢麗雖相去萬世若同一流者也茲殷庶士驕淫

矜侈將由惡終閑之惟艱言殷士驕恣過制矜其所能以自侈大將用惡自終以禮

禦其心惟周公克慎厥始惟君陳克和厥中惟公克成惟難也惟周公遷殷頑民以消亂階能慎其始也君陳弘周

厥終周公之訓能和其中也畢公闡二公之烈能成其終

羣書治要 卷之二 三 連筠蓀叢書 靈石楊氏葉

也 欽若先王成烈以休于前政敬順文武成業以美於前人之政所以勉畢公

穆王命君牙作周大司徒穆王昭王子也王若曰烏虜惟乃祖

乃父世篤忠貞服勞王家厥有成績紀于大常言汝父祖世厚

忠貞服事勤勞王家其有成功見紀錄書於王之太常以表顯之也 惟予小子嗣守文武

成康遺緒亦惟先王之臣克左右亂四方惟我小子繼守先王遺業

亦惟父祖之臣能佐助我治四方言已無所能也 心之憂危若蹈虎尾涉于春

冰言祖業之大已才之弱故心懷危懼也虎尾畏噬春冰畏陷危懼之甚也今命爾予翊作

股肱心膂今命汝為我輔翊股肱心體之臣言委任之也爾身克正罔敢弗正

民心罔中惟爾之中言汝身能正則下無敢不正民心無中從女取中必當正身示民以

中正之道 夏暑雨小民惟曰怨咨惟怨咨嗟言心無中正

之道 夏暑雨小民惟曰怨咨惟怨咨嗟言心無中正



也冬祁寒小民亦惟曰怨咨厥惟艱哉思其艱以圖其

易民乃寧天不可怨民猶怨嗟治民其惟艱哉當思慮其艱以謀其易民乃安

王若曰伯冏昔在文武聰明齊聖小大之臣咸懷忠良

聰明聽視遠也齊通無滯礙也臣雖官有尊卑無不忠良其侍御僕從罔匪正人

侍御僕從從官官雖微無不用中正之人以旦夕承弼厥辟出入起居罔有

弗欽小臣皆良僕從皆正以旦夕承輔發號施令罔有

弗臧下民祗若萬邦咸休言文武發號施令無有不善下民敬順其命萬國皆美其

也惟予一人無良實賴左右前後有位之士匡其弗及

惟我一人無善實恃左右前後有職位之士匡正其不及言此責羣臣正已者也繩讐糾謬格

其非心俾克紹先烈言特左右之臣彈正過誤檢其非矣之心使能繼先王之功業也

羣書治要 卷之二 齒連筠移叢書 靈石楊氏棗

今予命汝作大僕正正于羣僕侍御之臣欲其致正羣僕無敢倭僞

也懋乃后德交脩弗逮言侍御之臣無小大親疏皆當勉汝君為德更代修進其所不

也慎簡乃僚無以巧言令色便辟側媚其惟吉士常謹

選汝僚屬侍臣無得用巧言無實令色無質便僕臣正

辟足恭側媚諂諛之人其惟吉士也言僕臣皆正則其君乃能

厥后克正僕臣諛厥后自聖正僕臣諛諛則其君乃自

謂后德惟臣弗德惟臣君之有德惟臣成之君之無德惟臣誤之言君所行善惡專在

也左右爾無昵于檢人充耳目之官迪土以非先王之典

汝無親近檢利小子之人充備侍從在視聽之官導君上以非先王之法也

王曰嗚呼伯父伯兄仲叔季弟幼子童孫皆聽朕言皆

同姓有父兄弟子孫列者也爾尙敬逆天命以奉我一人雖畏勿畏



雖休勿休汝當庶幾敬逆天命以奉我一人之戒行事雖見畏勿自謂可敬畏雖見美勿自謂有德

美惟敬五刑以成三德一人有慶兆民賴之先戒以勞謙之德次

教以惟敬五刑所以成剛柔正直王曰吁來有邦有土

之三德也天子有善則兆民賴之王曰吁來有邦有土

告爾祥刑吁歎也有國有土諸侯也在今爾安百姓何

擇非人何敬非刑在今汝安百姓兆民之道當何所擇

兩造具備師聽五辭兩謂囚證也造至也兩至具備則

五辭簡孚正于五刑五辭簡核信有罪驗五刑不簡正

于五罰不簡核謂不應五刑當出金贖罪也五罰弗服正于五過不簡不

從赦免也刑當出金贖罪也五刑之疑有赦五罰之疑有赦刑疑赦從免

刑罰世輕世重惟齊非齊言刑罰隨世輕重也刑新國

羣書治要 卷之二 奎連筠後叢書

國用中典凡刑非佞折獄惟良折獄罔非在中非口才

獄惟平良可以斷法當矜下民之犯

人皆庶幾必得其刑其罰其審克之其所刑其所罰其

中正之道也當審能之無失中

也

也

也

也

也

羣書治要卷第二 何秋濤校



羣書治要卷第三

秘書監鉅鹿男臣魏徵等奉勅撰

詩

周南

關雖后妃之德也風之始也所以風天下而正夫婦也

故用之鄉人焉用之邦國焉風諷也教也風以動之教

以化之詩者志之所之也在心為志發言為詩情動於

衷而形於言言之不足故嗟歎之嗟歎之不足故詠歌

之詠歌之不足不知手之舞之足之蹈之也情發於聲

聲成文謂之音發猶見也聲謂宮商角徵羽治世之音

羣書治要

卷之三

一

連筠修叢書  
靈石楊氏棗

安以樂其政和亂世之音怨以怒其政乖亾國之音哀

以思其民困故正得失動天地感鬼神莫近於詩先王

以是經夫婦成孝敬厚人倫美教化移風易俗故詩有

六義焉一曰風二曰賦三曰比四曰興五曰雅六曰頌

上以風化下下以風刺上言之者無罪聞之者足以自

誠故曰風以一國之事繫一人之本謂之風言天下之

事形四方之風謂之雅雅者正也言王政之所由廢興

也政有小大故有小雅焉有大雅焉頌者美盛德之形

容以其成功告於神明者也是謂四始詩之至也始者

興衰之所由也至於王道衰禮義廢政教失國異政家殊俗而

以一至  
至也本  
書在變  
雅作矣  
下



變風變雅作矣周南邵南正始之道王化之基是以關  
雎樂得淑女以配君子憂在進賢不姪其色哀窈窕思

賢才而無傷善之心焉是關雎之義也

關關雎鳩在河之洲興也關關和聲也雎鳩王雎也鳥擊而有別后妃悅樂君子之德無

不和諧又不淫其色若雎鳩之有別焉然後可以風化

天下夫婦有別則父子親則君臣敬則君臣敬則

朝廷正朝廷正則王化成也窈窕幽閑也淑善也

關雎之德是幽閑貞專之參差荇菜左右流之荇接茶

也后妃有關雎之德乃能供荇菜備庶物以事宗廟

也左右助之言三夫人九嬪以下皆樂后妃之事也窈窕

窈窕女寤寐求之寤寤也寐寢也言后妃覺寐則常求此賢女欲與之共己職求之

不得寤寐思服服事也求賢女而不得覺寐則思已職事當與誰共之也悠哉悠哉

展轉反側悠思也言已誠思之也臥而不周曰展也

卷耳后妃之志也又當輔佐君子求賢審官知臣下之

勤勞內有進賢之志而無險詖私謁之心朝夕思念至

於憂勤謁請也采采卷耳不盈傾筐憂者之興也采采事采之也卷耳苓耳也

傾筐畚屬也易盈之器也器之易盈而不盈者志在輔佐君子憂思深也嗟我懷人寘彼周

行之周之列位也周之列位謂朝廷之臣也

邵南

甘棠美邵伯也邵伯之教明于南國邵伯姬姓名奭作上公為二伯蔽

芾甘棠勿剪勿伐邵伯所茇蔽芾小貌甘棠杜也茇草舍也邵伯聽男女之訟不

重煩勞百姓止舍小棠之下而聽斷焉國人被其德悅其化敬其樹也

羣書治要

卷之三

二

連筠篠叢書  
靈石楊氏栞



何彼穠矣美王姬也雖則王姬亦下嫁於諸侯車服不

繫其夫下王后一等猶執婦道以成肅雍之德何彼穠

矣唐棣之華興也穠猶戎戎也唐棣棣也云何乎彼戎戎者乃移之華興者喻王姬顏色之美盛也

也曷弗肅雍王姬之車肅敬也雍和也曷何也之往也何不敬和平王姬往乘車言其

嫁時始乘車則已敬和矣

鄮風鄮魯邑名其風亦曰鄮風

柏舟言仁而不遇也衛頃公時仁人不遇小人在側汎

彼柏舟亦汎其流汎也汎汎流貌也柏木所以宜為舟也汎其流不以濟渡也舟載渡物也

今不用而與衆物汎汎然俱流水中興者喻仁人之不用與羣小人並列亦猶是也

耿耿不寐如有隱憂耿耿猶耿耿也隱痛也仁憂心悄悄愠于羣小

羣書治要 卷之三 三 連筠蓀叢書 靈石楊氏葉

悄悄憂貌 靦閉既多受侮不少閔病也

也愠怒也 靦閉既多受侮不少

室夫婦離絕國俗傷敗焉習習谷風以陰以雨習與也習習和舒也

之貌東風言之谷風陰陽和而

谷風至夫婦和則室家成也 黽勉同心不宜有怒黽勉思與君子同心也所以黽勉

者以為見譏怒非夫婦之宜也 采葑采菲無以下體葑菲芴也下體根莖也二菜皆上下可食然而其根有美時有惡時采之者不可以根惡之時并弃其葉喻夫

婦以禮義合以顏色親亦不可根惡之時并弃其葉喻夫

以顏色衰而弃其相與之禮 德音莫違及爾同死莫也及與也夫婦之言無相違者則可

長相與處至死顏色斯須之有也

相鼠刺無禮也衛文公能正其羣臣而刺在位承先君



之化無禮儀也相鼠有皮人而無儀相視也儀威儀也顯之處偷食苟得不知廉人而無儀不死胡爲人以有威儀爲貴今反無之傷化敗俗相鼠有體人而無禮體支人而無禮胡不遘死

無禮胡不遘死

千旄美好善也衛文公之臣子多好善賢者樂告以善

道也賢者時處士也子千旄在浚之郊子千旄貌注旄於浚

衛邑時有建此旄來至浚之郊卿大夫好善者也素絲紕之良馬四之紕所以

總紕於此成文於彼願以素絲紕組之法御四馬也彼姝者子何以畀之姝順貌

賢者既悅此大夫有忠順之德又欲以善道與之誠愛厚之至焉

衛風

羣書治要

卷之三

四

連筠蓂叢書靈石楊氏采

淇澳美武公之德也有文章又能聽規諫以禮自防故

能入相于周美而作是詩瞻彼淇澳綠竹猗猗猗也猗

也武公質美德盛有康叔之餘烈也有斐君子如切如磋如琢如磨斐文

治骨曰切象曰瑤玉曰琢石曰磨道其學而成也聽其規諫以禮自修飾如玉石之見琢磨

芄蘭刺惠公也驕而無禮大夫刺之惠公以幼童即位

慢於大臣但習威儀不知爲政以禮也芄蘭之支與也芄蘭草柔弱恒延

與者喻幼穉之君任用童子佩觿觿所以解結成人之

雖童子猶佩觿也雖則佩觿能不我知此幼稚之君雖佩

以早成其德也如我衆臣之所知爲也惠公自謂有才能而驕慢所以見刺也

王風



葛藟王族刺桓王也周室道衰棄其九族焉綿綿葛藟

在河之滸水涯曰滸葛也藟也生河之涯得其潤澤以長而不絕與者喻王之同姓得王恩施以生子終遠兄弟謂他人父兄弟族親也王寡於恩施今以遠弃族親矣是我以他人

為己

采葛懼讒也桓王之時政事不明臣無大小使彼采葛

兮一日不見如三月兮興也葛所以為絺絰也事雖小

者以采葛喻臣以小事使出者也

鄭風

風雨思君子也亂世則思君子不改其度焉風雨淒淒

雞鳴喈喈興也風且雨淒淒然雞猶守時而鳴喈喈既

羣書治要然興者喻君子雖居亂世不改其節也既

卷之三五連筠縹叢書靈石楊氏葉

見君子云胡不夷夷悅也思而見之云何不悅也

子衿刺學校廢也亂世則學校不修青青子衿悠悠我

心青衿青領學子之所服學子而俱在學校之中已留彼去故隨而思之縱我不往子寧

不嗣音嗣續也汝曾不傳聲問我我以思責其忘己也

齊風

雞鳴思賢妃也哀公荒淫怠慢故陳賢妃貞女夙夜警

戒相成之道焉雞既鳴矣朝既盈矣雞鳴朝盈夫人也君也可以起之常

禮匪雞則鳴蒼蠅之聲夫人以蠅聲為雞鳴則

甫田大夫刺襄公也無禮義而求大功不修其德而求諸侯志大心勞所以求者非其道也無田甫田維莠驕



驕興也甫大也大田過度而無人功終不能獲興者喻人君欲立功致治必勤身修德積小以成高大也  
無思遠人勞心忉忉忉忉憂勞此言無德而求諸侯徒勞其心忉忉然

魏風

伐檀刺貪也在位貪鄙無功而受祿君子不得進仕爾

坎坎伐檀兮寘之河之干兮河水清且漣漪伐檀以俟世用若侯

子之人不得進仕也 不稼不穡胡取禾三百廩兮不

狩不獵胡瞻爾庭有懸貍兮一夫之居曰廬貍獸名也彼君子兮不

素餐兮素空彼君子者斥伐檀之人仕有功乃有受祿

碩鼠刺重斂也國人刺其君之重斂蠶食於民不修其

政貪而畏人若大鼠也碩鼠碩鼠無食我黍三歲貫汝

羣書治要

卷之三

六

連筠篠叢書靈石楊氏葉

莫我肯顧碩大也大鼠大鼠者斥其君汝無復食我黍疾其君稅斂之多我事汝已三歲矣曾無教

令恩德來顧眷我逝將去汝適彼樂土往矣將去汝與又疾其不修德政之訣別之辭樂

土有德之國也

唐風

杕杜刺時也君不能親其宗族骨肉離散獨居而無兄

弟將爲沃所并爾有杕之杜其葉湑湑興也杜特生貌杜赤棠也湑湑

枝葉不相次比之貌獨行踽踽豈無他人不如我同父踽踽無所親也他人

謂異姓也言昭公遠其宗族獨行國中踽踽然此豈無異姓之臣乎顧恩不如同姓之親親耳

秦風

晨風刺康公也忘穆公之業始棄其賢臣焉歎彼晨風



鬱彼北林興也歎疾飛貌也晨風鷓也鬱積也先君招賢人賢人歸往之駛疾如晨風之飛入北林也  
未見君子憂心欽欽言穆公始未見君子之如何如  
何恇我實多此言穆公之意責康公如何乎

渭陽康公念母也康公之母晉獻公之女文公遭嬖姬

之難未反而秦姬卒穆公納文公康公時為太子贈送

文公子渭之陽念母之不見也我見舅氏如母存焉及

其卽位思而作是詩也我送舅氏曰至渭陽渭水名也何以

贈之路車乘黃贈送也乘黃駟馬皆黃也我送舅氏悠悠我思何以

贈之瓊瑰玉佩瓊瑰美石而次玉者也

權輿刺康公也恇先君之舊臣與賢者有始而無終也

羣書治要 卷之三 七 連筠篔叢書靈石楊氏葉

於我乎夏屋渠渠夏大也屋具也渠渠猶勤勤也言君始於我厚設禮食大具以食我其意

勤勤今也每食無餘此言君今遇我薄其食我裁足也于嗟乎不承權

輿承繼也權輿始也

曹風

蜉蝣刺奢也昭公國小而迫無法以自守好奢而任小

人將無所依焉蜉蝣之羽衣裳楚楚興也蜉蝣渠略也朝生夕死猶有羽翼

翼以自修飾楚楚鮮明貌興者喻昭公之朝其羣臣皆小人也徒整飾其衣裳不知國將迫脇君臣死之無

日如渠心之憂矣於我歸處歸依歸也君當於何依歸言有危亡之難將無所就

也往

候人刺近小人也共公遠君子而好近小人焉彼候人



兮荷戈與祓

候人道路送迎賓客者也荷揭也祓受也言賢者之官不過候人也

彼其之

子三百赤芾

芾韞也大夫以上赤芾乘軒之子是子也佩赤芾者三百人

小雅

鹿鳴燕羣臣嘉賓也既飲食之又實幣帛筐篚以將其

厚意然後忠臣嘉賓得盡其心矣呦呦鹿鳴食野之苹

興也苹大萍也鹿得苹草呦呦然鳴而相呼懇誠發于中以興嘉樂賓客當有懇誠相招呼以成禮也我

有嘉賓鼓瑟吹笙吹笙鼓簧承筐是將筐篚屬所以行幣帛也承猶奉也

皇皇者華君遣使臣也送之以禮樂言遠而有光華也

言臣出使能揚君之美以延其譽於四方則為不辱君命也

皇皇者華于彼原隰皇皇

羣書治要

卷之三

八

連筠篔簹書靈石楊氏菜

猶煌煌也忠臣奉使能光君命無遠無近如華不以高下易其色矣無遠無近惟所之則然也駉駉征

夫每懷靡及駉駉衆多之貌也征夫行人也衆行夫既受君命當速行每人懷其私相稽留則於

王事將無所及也

常棣燕兄弟也閔管蔡之失道故作常棣焉周公甲二叔之不咸

而使兄弟之恩疏召公為作是詩而歌之以親之常棣之華萼不燁燁承華者

當作跗跗萼足也萼足得華之光明燁燁然也興者凡喻弟以敬事兄兄以榮覆弟恩義之顯亦燁燁然也

今之人莫如兄弟人之恩親無如兄弟之取厚鶴鶴在原兄弟急難

鶴鶴雍渠也飛則鳴行則搖不能自舍爾急難言兄弟之相救於急難矣每有良朋況也永

歎況茲也永長也每雖也良善也當急難之時雖有善同門來茲對之長歎而已兄弟鬩于牆

外禦其侮鬩狃也禦禦也兄弟雖內鬩外猶禦侮也



伐木燕朋友故舊也自天子以下至于庶人未有不須

友以成者親親以睦友賢不棄不遺故舊則民德歸厚

矣伐木丁丁鳥鳴嚶嚶丁丁嚶嚶相切直也言昔日未

苦之事猶以道德相切正也嚶嚶兩鳥聲出自幽谷遷

于喬木遷徙也謂嚶時之鳥出嚶其鳴矣求其友聲君

雖遷處於高位不相彼鳥矣猶求友聲矧伊人矣不求

友生矧況也相視也鳥尙知居高木

天保下報上也君能下下以成其政則臣亦歸美以報

其上焉天保定爾俾爾戩戩罄無不宜受天百祿保安

汝也戩福也穀祿也罄盡也天使汝所福祿之如月之

羣書治要 卷之三 九 蓮筠參叢書 靈石楊氏葉

恒如日之昇恒弦也昇出也言俱進也月上如南山之

壽不騫不崩騫虧也如松柏之茂無不爾或承或之言有也

葉常茂盛青相承無衰落也

南山有臺樂得賢也得賢者則能為邦家立太平之基

矣人君得賢者則其德廣大南山有臺北山有萊臺夫

與者山之有草木以自覆蓋成其樂只君子邦家之基

高大喻人君有賢臣以尊顯也基本也人之言是也人君既得賢者置之於

位又尊敬以禮樂樂之則能為國家之本也

舒作翰 之既見君子我心寫兮既見君子者遠國之君朝見於

蕭上露貌興者蕭香物之微者喻四海之諸侯亦國君及之既見君子我心寫兮天子也我心寫者舒其情意無



留恨 燕笑語兮是以有譽處兮 天子與之燕而笑語則  
者以稱揚德美使聲 燕常處天子也 燕王請內趙趙王欲殺武安武安

目作貌

湛露天子燕諸侯也湛湛露斯匪陽不晞 晞乾也露雖  
則乾興者露之在物湛湛然使物柯葉低垂喻諸侯受  
燕爵其威儀有似醉之貌唯天子賜爵則自變肅敬承  
命有似露見 厭厭夜飲不醉無歸 厭厭安也

六月宣王北伐也鹿鳴廢則和樂缺矣四牡廢則君臣

缺矣皇皇者華廢則忠信缺矣常棣廢則兄弟缺矣伐

木廢則朋友缺矣天保廢則福祿缺矣采芣廢則征伐

缺矣出車廢則功力缺矣杕杜廢則師眾缺矣魚麗廢

則法度缺矣南陔廢則孝友缺矣白華廢則廉恥缺矣

羣書治要 卷之三 十 連筠穆叢書 靈石楊氏棊

華黍廢則畜積缺矣由庚廢則陰陽失其道理矣南有

嘉魚廢則賢者不安下民不得其所矣崇丘廢則萬物

不遂矣南山有臺廢則為國之基隆矣由儀廢則萬物

失其道理矣蓼蕭廢則恩澤乖矣湛露廢則萬國離矣

彤弓廢則諸夏衰矣菁菁者莪廢則無禮儀矣小雅盡

廢則四夷交侵中國微矣六月棲棲戎車既飭 棲棲簡

正也記六月者盛 獫狁孔熾我是用急 熾盛也孔甚也

夏出兵明其急也 也此狄來侵甚熾故 此序吉甫之意

王以是急遣我也 王以是急遣我也

車攻宣王復古也宣王能內修政事外攘夷狄復文武

之境土修車馬備器械復會諸侯於東都因田獵而選



車徒焉

東都王城

我車既攻我馬既同

攻堅也同齊也

四牡龐龐駕

言徂東

龐龐充實東雒邑也

蕭蕭馬鳴悠悠旆旌

言不謹也

之子于

征有聞無聲

有善聞而無謹諱

鴻鴈美宣王也萬民離散不安其居而能勞來還定安

集之至乎鰥寡無不得其所焉

宣王承厲王衰亂之弊而興復先王之道以安

集眾民

鴻鴈于飛集于中澤

中澤澤中鴻鴈之性安居澤中今飛而又集于澤之

今猶民去其居而離散

之子于垣百堵皆作

侯伯卿士又於壞滅

今見還定安集之也

雖則劬勞其究安宅

此勸萬民之辭

汝今雖病勞終有所安居也

白駒大夫刺宣王也

刺其不能留賢也

皎皎白駒食我場苗繫

羣書治要

卷之三

十一

蓮筠蓂叢書靈石楊氏棊

之維之以永今朝

宣王之末不能用賢賢者有乘白駒而去者乘白駒而來使食我場中之苗我

則絆之繫之以久今朝愛之欲留也

所謂伊人於焉

逍遙乘白駒而去之賢人今於何游息乎思之甚矣

節南山家父刺幽王也

家父字周大夫也

節彼南山維石巖巖

與也節高峻貌巖巖積石貌與者喻三公之位人所尊嚴也

赫赫師尹民具爾瞻

師周之三公尹氏為大師具俱也此言尹氏國既卒斬汝居三公之位天下之民俱視汝之所為也

國既卒斬

何用不監卒盡也斬斷也監視也天下之諸侯日相侵伐其國已盡絕滅汝何用為職不監察之

正月大夫刺幽王也正月繁霜我心憂傷

正月夏之四月也繁多也

夏之四月霜多急恒寒若之異

民之訛言亦孔之將

將大將也訛偽也人以偽言相陷入使王謂天蓋高不敢不局

行酷暴之刑致此災異故言甚大謂天蓋高不敢不局



謂地蓋厚不敢不踣局曲也踏累足也此民疾苦哀今

之人胡為虺蜴虺蜴之性見人則走哀哉今燎之方揚

寧或威之威之以水也燎之方盛之時炎熾燥怒寧有

為甚能滅息之者乎言無有也以無有喻有之者

也宗周鎬京也褒國名也姒姓

焉而以為后詩人知其必威周也

十月之交大夫刺幽王也十月之交朝日辛卯日有蝕

之亦孔之醜八月也日食陰侵陽臣侵君之象也日為

君辰為臣幸金也卯木也又以卯侵幸故甚惡之彼月而蝕則維其常此日而

蝕于何不臧臧善也百川沸騰山冢崒崩沸出也騰乘也

人也山頂崔嵬者崩喻君道壞也高岸為谷深谷為

羣書治要 卷之三 十一 連筠修叢書 靈石楊氏栗

陵言君子居下哀今之人胡憊莫懲憊會也變異如此

在位之人何會無以道德止之詎勉從事不敢告勞詩人賢者見時如

雖勞不敢自謂勞畏刑罰也無罪無辜讒口躑躅躑躅眾多貌也時

譏口見椽譏囂囂然之文曰民之交會也

小旻大夫刺幽王也謀臧不從不臧覆用臧善也謀之

其不善者反用之我龜既厭不我告猶龜靈厭也卜筮數而瀆龜

圖之謀夫孔多是用不集集就也謀事者眾多而非賢

為不發言盈庭誰敢執其咎者是非相奪莫適可從故所

云已當受其咎責者言小人爭智而讓過如彼築室于道謀是用不潰于成

所為路人之意不同故不得遂成也不敢暴虎不敢馮



河人知其一莫知其他馮陵也人皆知暴虎馮河立至之害而無知當畏慎小人能危也

小宛大夫刺幽王也溫溫恭人溫溫和柔貌如集于木恐墜也

惴惴小心如臨于谷恐墜戰戰兢兢如履薄冰衰亂之世賢人君子

雖無罪猶恐懼也

小弁刺幽王也太子之傅作焉跋跋周道鞠為茂草跋跋

平易貌周道周室之通道也鞠窮也我心憂傷惄焉如擣假寐永歎維憂

用老心之憂矣求如疾首怒思也擣心疾也不脫冠衣而寐曰假寐疾猶病也維

桑與梓必恭敬止父之所樹已尙不敢不恭敬也靡瞻匪父靡依匪母

不屬于毛不離于裏此言人無不瞻仰其父取法則者無不依恃其母以長大者今我太

羣書治要 卷之三 三 靈石楊氏栗

子獨不受父之皮膚之氣乎不處母之胞胎乎何曾無恩於我也無逝我梁無發我笱

逝之也之人梁發人笱此必有盜魚之罪以言我躬不

闕遑恤我後念父孝也念父孝者太子念王將受讒言不止我死之後懼復有被讒者無如之何

故自決云身尙不能得自容何暇乃憂我死之後乎

巧言刺幽王也大夫傷於讒而作是詩亂之初生僭始

既涵僭不信也涵同也王之初生亂萌亂之又生君子

信讒羣臣之言信與不信盡同之不別君子信盜亂是用暴盜謂小人

言孔甘亂是用餒餒進也

巷伯刺幽王也寺人傷於讒而作是詩巷伯奄官寺人內小臣萋

兮斐兮成是貝錦與也萋斐文章貌貝錦錦文與者喻讒人集作已過以成於罪猶女工之

集采色成 錦文也 彼譖人者亦已太甚 大甚者謂使已得重罪 取彼譖人

投畀豺虎豺虎不食投畀有北 北方寒涼而不毛也 有北不受投

畀有昊 昊昊天也與昊天使制其罪也

谷風刺幽王也天下俗薄朋友道絕焉習習谷風維風

及雨 興也風雨相感朋友相須風而有雨則潤澤行喻朋友同志則恩愛成 將恐將懼維

子與汝 將且也恐懼喻遭厄難也 將安將樂汝轉棄子 汝今已志達而安樂而弃

之恩念舊薄之甚也 忘我大德思我小怨 大德切磋以道相成之謂也

蓼莪刺幽王也民人勞苦孝子不得終養爾蓼蓼者莪

匪莪伊蒿 興也蓼蓼長大貌也莪已蓼蓼長大我視之反謂之蒿興者喻憂思心不精識其事也

哀哀父母生我劬勞 哀哀者恨不得終養父母報其生長己之苦也 無父何怙

羣書治要 卷之三 古 連筠篔簹書靈石楊氏栞

無母何恃出則銜恤入則靡至 恤憂也孝子之心怙恃父母依依然以為不可

斯須無也出門則思之憂旋入門又不見如入無所至也 父兮生我母兮鞠我拊我

畜我長我有我顧我復我出入腹我 鞠養也顧旋視也復反覆也腹懷抱

欲報之德昊天罔極 之猶是也我欲報父母是德昊天乎我心無極也

北山大夫刺幽王也役使不均已勞於從事而不得養

其父母焉溥天之下莫非王土率土之濱莫非王臣 此言

王之土地廣大矣王之臣又衆矣何求而不得何使而不行乎 大夫不均我從事獨賢

賢勞 或燕燕以居息 燕燕安息貌也 或盡瘁以事國 盡力勞病以從國事

或息偃在牀或不已于行 不已猶不止也 或棲遲偃仰或王事

鞅掌 鞅猶荷也掌謂捧持之也負荷捧持以趨走言促遽也 或耽樂飲酒或慘慘



畏咎

咎猶罪過

青蠅大夫刺幽王也營營青蠅止于樊興也營營往來貌樊藩也興者

蠅之為蟲污白使黑汚黑使白喻讒佞之人變亂善惡也止於藩欲外之令遠物也愷悌君子無

信讒言愷悌樂易也營營青蠅止于棘讒人罔極交亂四國

極猶已也

賓之初筵衛武公刺時也幽王荒廢媒近小人飲酒無

度天下化之君臣上下沈湎淫液武公既入而作是詩

也淫液者飲酒時情態也言武公入者入為王卿士也賓之初筵溫溫其恭溫溫和柔

也其未醉止威儀反反曰既醉止威儀幡幡舍其坐遷

屢舞僂僂反反言重慎也幡幡失威儀也仙仙舞也此言賓初即筵之時自勅戒以禮至於旅酬而

羣書治要 卷之三 五 連筠移叢書靈石楊氏粟

小人之賓既醉止載號載呶亂我籩豆屢舞傲傲是日

既醉不知其郵側弁之俄屢舞僂僂號呶號呼謹呶也傲傲儻不能自正

也僂僂不止也郵過也側傾也俄傾貌也

采菽刺幽王也侮慢諸侯諸侯來朝不能錫命以禮數

徵會之而無信義君子見微而思古焉采菽采菽筐之

筥之菽所以芼大牢而待君子也君子來朝何錫與之雖無與之路

車乘馬君子謂諸侯也賜諸侯以車馬言雖無與之尚以為薄也

角弓父兄刺幽王也不親九族而好讒佞骨肉相怨故

作是詩也駢駢角弓翮其反矣與也駢駢調和也不善繼業巧用則翮然而反

興者喻王與九族不以恩禮御待之則使之多怨心兄弟婚姻無胥遠矣胥相也骨肉之

骨肉之

親當相親無相疎遠相疎遠則以親親之望易以成怨也爾之遠矣民胥然矣爾之教矣民胥效矣爾汝爾幽王也胥皆也言王汝不親骨肉則天下之人皆學無惡所尚者天下之人皆學之言上之化下不可不慎也

苑柳刺幽王也暴虐而刑罰不申諸侯皆不欲朝言王者之不可朝事也有苑者柳不尙息焉尙庶幾也有苑然枝葉茂盛之

柳行路之人豈有不庶幾欲就之止息乎興者喻王有盛德則天下皆庶幾願在朝焉憂今不然也俾子靖之後予極焉靖謀也俾使也極誅也假使我朝王王留我使我謀政事王信讒不察功考績

後反誅放我是言王刑罰不中不可朝事

隰桑刺幽王也小人在位君子在野思見君子盡心以

事之也隰桑有阿其葉有難隰中之桑枝條阿然長美其葉又茂盛可以庇蔭人

羣書治要 卷之三 夫連筠修叢書靈石楊氏采

興者喻時賢人君子不用而野處有覆養之德也既見君子其樂如何思在野而得見其在位

我喜樂無度也心乎愛矣遐不謂矣中心臧之何日忘遐遠也謂勤也臧善也我心愛此君子雖遠在野豈能不勤思之乎我心善此君子又誠不能忘也

白華周人刺幽后也幽王娶申女以爲后又得褒姒而

黜申后故下國化之以妾爲妻以孽代宗而王弗能治

申姜姓之國孽支庶也宗適子也王不能治已不正故也英英白雲露彼菅茅英英白雲

貌白雲下露養彼可以爲菅之茅使與白華之菅白雲

可相亂易猶天之下妖氣生褒姒使申后見黜也天步艱難之子不猶步行也猶圖也天行此艱難之妖久矣王不圖其變之所由昔夏之衰有二龍

之妖卜藏其糝周厲王發而觀之化爲立龍童女遇之當宣王之時而生女懼而弃之後褒人有獄而入之幽

王幽王嬖之鼓鐘于宮聲聞于外王失禮於內而下國聞知而化之王弗能

是謂褒姒

是謂褒姒



治如鳴鐘鼓於宮中而欲使外人不得聞亦不可得也念子燥燥視我邁邁邁邁言不悅也言申后之忠於王也念之操操然欲諫正之王反不悅於其所言

何草不黃下國刺幽王也四夷交侵中國背叛用兵不

息視民如禽獸君子憂之故作是詩也何草不黃何日

不行用兵不息軍旅自歲始草生而出至歲晚矣何草而不黃乎草皆黃矣於是閒將率何日不行乎言

常行勞苦甚也何人不將經營四方言萬民無不匪兇匪虎率從役者也

彼曠野兇虎野獸也曠空也哀我征夫朝夕不暇言征夫

### 大雅

文王文王受命作周也受命受天命而王文王在上於

昭于天在上在民上也於歎辭也昭見文王初為西伯有功於民其德著見於天故天命之以為王也

### 羣書治要

### 卷之三

七

連筠籜叢書靈石楊氏棊

周雖舊邦其命惟新乃新在文王也濟濟多士文王以寧濟濟多威

儀儀也商之孫子其麗不億上帝既命侯于周服麗數也商之孫子其

數不徒億多言之也至天已命文王之後乃侯服于周為君於周之九服之中言眾之不如德也

天命靡常則見天命之無常也無常者善則就之惡則去之殷士膚敏裸將于

京殷士殷侯也膚美也敏疾也禪灌鬯也將行也殷之臣壯美而敏來助周祭也

大明文王有明德故天復命武王也二聖相承其明德日廣大故曰大明

也明明在下赫赫在上明明察也文王之德明明在於天下故赫赫然著見於天

難忱斯不易維王天位殷嫡使不挾四方忱信也挾達也天意難信

矣不可改易者天子也今紂居王位而又殷之正嫡以其為惡乃絕棄之使教令不行於四方四方共叛之是天命無常唯

德是與耳維此文王小心翼翼昭事上帝聿懷多福

厥德不同以受方國

同違也小心猘猘恭慎貌也聿述也懷思也方國四方來附者也

思齊文王所以聖也

言其非但天性德有所由成也

思齊大任文王之

母思媚周姜京室之婦

齊莊也媚愛也周姜大姜京室王室也常思莊敬者太任也乃

為文王之母又常思愛大姜之配大王之禮

以爲京室之婦言其德行純備以生聖子

大姒嗣徽

音則百斯男

大姒文王之妃也大姒十子淑妾則宜百子也徽美也嗣大任之美音謂續行其善

教刑于寡妻至于兄弟以御于家邦

刑法也寡妻寡有之妻言賢也御治

也文王以禮法接待其妻至于其宗族以此又能為政治於家邦

靈臺民始附也文王受命而民樂其有靈德以及鳥獸

昆蟲焉

文王受命而作邑于豐立靈臺也

經始靈臺經之營之庶民攻

之不日成之

文王應天命度始靈臺之基趾營表其位衆民則築作不設期日而成之言說文王

羣書治要

卷之三

六

連筠篠叢書靈石楊氏聚

之德勸其事

經始勿亟庶民子來

亟急也經始靈臺之基趾非有急成之意

衆民各以子成父事而來攻之

行葦忠厚也周家忠厚仁及草木故能內睦於九族外

尊事黃耇養老乞言以成其福祿焉

乞言從求善言可以為政者也敦

彼行葦羊牛勿踐履方苞方體維葉泥泥

敦聚貌也行泥泥然苞茂也體成形也敦敦然道旁之葦牧羊牛者

無使蹈履折傷之草物方茂盛以其終將為人用故周

之先王為此愛

黃耇台背以引以猘

台之言給也大老則背有給文也既

告老人及其來也以禮引之以禮

壽考維祺以介景福

猘吉介助也養老人而

得吉所以助大福也

假樂嘉成王也假樂君子顯顯令德宜民宜人受祿于



天假嘉也宜民宜人宜安民宜官人也天嘉樂成王有光光之善德安民官人皆得其宜以受福祿於天也

千祿百福子孫千億穆穆皇皇宜君宜王也千求也成

王行顯顯之令德求祿得百福其子孫亦勤行而求之得祿千億故或為諸侯或為天子言皆相勗以道也

不愆不忘率由舊章愆過也率循也成王之令德不過

禮法公之

民勞召穆公刺厲王也民亦勞止汔可小康惠此中國

以綏四方汔幾也康綏皆安也惠愛也今周民疲勞矣王幾可小安之乎愛此京師之人以安天下

京師者諸夏之根本也

板凡伯刺厲王也上帝板板下民卒瘁出話不然為猶

不遠板反也上帝以稱王者痺病也話善言也猶謀也王為政反先王與天之道天下民盡瘁其出善言

羣書治要 卷之三 五 支 靈石楊氏書

而不行之也以此為謀不能遠圖不知禍之將至也 猶之不遠是用大諫 王之謀

遠用是故我 介人維藩太師維垣大邦維屏太宗維翰

介善也藩屏也垣牆也翰幹也太師三公也大邦成國諸侯也太宗王之同姓世嫡子也王當用公卿諸侯及

宗室之貴者為藩屏垣 幹為輔弼無疏遠之也 懷德維寧宗子維城無俾城壞

無獨斯畏 懷和也斯離也和汝德無行酷暴之政以安則乖離而汝獨居而

畏矣宗子適子也 蕩召穆公傷周室大壞也厲王無道天下蕩蕩無綱紀

文章故作是詩也蕩蕩上帝下民之辟 上帝以託君王

言法度廢壞之貌也厲王乃以此居人疾威上帝其命上為天下之君言其無可則像之甚也疾威上帝其命

多僻 疾病人矣威罪人矣疾病人者重賦斂也威異天



生烝民其命匪謐靡不有初鮮克有終天之生此衆民其教道之非當

以誠信使之忠厚乎今則不然民始皆庶幾於善道後更化於惡俗也既愆爾止靡明靡

晦式號式呼俾晝作夜使晝為夜也愆過也汝既過於

醉則號呼相效用晝文王曰咨咨汝殷商匪上帝不時

般不用舊此言紂之亂非其生不得其時雖無老成人

尚有典刑乃不用先王之故法之所致也曾是莫

聽大命以傾老成人謂若伊尹伊陟臣扈之屬也殷鑒不遠

在夏后之世無無此臣猶有常事故法可察用殷鑒不遠

湯誅桀也後武王誅紂今之王何以不用

羣書治要

卷之三

予

連筠縹叢書靈石楊氏葉

抑衛武公刺厲王也亦以自警也無競維人四方其訓

之有覺德行四國順之無競競也訓教也覺直也競強

賢人則天下教化於其俗有大德行則敬慎威儀維民

之則則法也慎爾出話敬爾威儀無不柔嘉話善言也白

圭之玷尚可磨也斯言之玷不可為玷缺也斯此也玉

而平人君政教一失誰能反復之也桑柔芮伯刺厲王也芮伯王憂心殷殷念我土宇我生

不辰逢天俾怒自西徂東靡所定處宇居也俾厚也此

勞苦自傷之言也人亦有言進退維谷谷窮也前無明君維此

良人弗求弗迪維彼忍心是顧是復迪進也良善也國

不進用之有忍為惡之心者王反顧大風有隧貪人敗



類聽言則對誦言如醉類猶等夷也貪惡之人見道聽則眠臥如醉君居上位之言則應答之見誦詩書之言而行如此人或效之也

雲漢仍叔美宣王也宣王承厲王之烈內有撥亂之志

遇灾而懼側身修行欲消去之天下喜於王化復行百

姓見憂故作是詩也仍叔周大夫也倬彼雲漢昭回于天謂天

河也昭光也倬然天河水氣也精光轉運於王曰於乎

天時旱渴雨故宣王夜仰視天河望其候也

何辜今之人天降喪亂飢饉薦臻薦重也臻至也辜罪

何罪與今時天下之人天仍下旱

灾凶亂之道飢饉之害復重至也

靡神不舉靡愛斯牲

圭璧既卒寧莫我聽靡莫皆無也言王為早之故求於

禮神之圭璧又已盡矣曾無聽

聆我之精誠而興雲雨者與

羣書治要

卷之三

三

連筠篲叢書

靈石楊氏棊

崧高尹吉甫美宣王也天下復不能建國親諸侯褒賞

申伯焉尹吉甫申伯皆周之卿士也維嶽降神生甫及申維申及甫

維周之翰翰幹也申申伯也甫甫侯也皆以賢知入為周之棟幹之臣也申伯之德柔

惠且直揉此萬邦聞于四國揉順也四國猶言四方也

烝民尹吉甫美宣王也任賢使能周室中興焉天生烝

民好是懿德天之生眾民莫不好有美德之人也天監有周昭假于下保

茲天子生仲山甫監視也假至也天視周室之政教其光明乃至於下謂及於眾民也天安

愛此天子宣王故仲山甫之德柔嘉維則令儀令色小

生仲山甫使佐也

心翼翼嘉美也令善也善成儀善顏色容貌翼翼然恭敬也肅肅王命仲山甫將

之邦國若否仲山甫明之將行也若順也順否猶臧否謂善惡也既明且



哲以保其身夙夜匪懈以事一人夙早也匪非也一人斤天子也人亦

有言柔則茹之剛則吐之維仲山甫柔亦不茹剛亦不

吐不侮鰥寡不畏強御人亦有言德輶如毛民鮮克舉

之我儀圖之輸輕也儀正也人之言云德甚輕然而衆人寡能獨舉之以行者言政事易耳人舉能行者無其志也我與維仲山甫舉之仲由甫能獨舉倫疋圖之而未幾爲也

袞職有闕維仲山甫補之王之職有缺輒能補之者仲山甫也

瞻仰凡伯刺幽王大壞也瞻仰昊天降此大厲昊天斥王也厲

也惡那靡有定士民其瘵也瘵病人有土田汝反有之人有

民人女覆奪之此言王削黜諸侯及卿大夫無罪者也覆猶反也此宜無罪汝

反收之彼宜有罪汝覆說之收拘收也說放赦也若夫成城哲婦

羣書治要 卷之三 三 靈石楊氏菜

傾城哲謂多謀慮也城猶國也懿厥哲婦爲臬爲鷗懿有所痛爲之鳥也喻褒如婦有長舌維厲之階亂匪降自天生自

婦人匪教匪誨時維婦寺寺近也長舌喻多言語也今但從婦人出耳又非有人教王爲亂語王爲如賈三倍

君子是識婦無公事休其蠶織婦人無與外政雖王后賈而有三倍之利者小人所宜知也而君子反知之非其宜也今婦人休其蠶桑織紉之事而與朝廷之事其猶是非也不弔不祥威儀不類人之云云邦國殄瘁至也王之爲政德不能至於天矣不能致微祥於神矣威儀又不善於朝廷矣賢人皆言奔亡則天下邦國將盡困病

也秦明哉之謂也周頌 其皇夙夜匪懈以事一人一人斤天子也人亦

夙早也匪非也

一人斤天子也

一人斤天子也

一人斤天子也

一人斤天子也

一人斤天子也

一人斤天子也



清廟祀文王也周公既成維邑朝諸侯率以祀文王焉

清廟者祭有清明之德者之宮也謂祭文王也天德清明文王象也故祭之而歌此詩也於穆清廟

肅雍顯相於歎之辭也穆美也肅敬也雍和相助也顯光也於乎美哉周公之祭清廟也其禮敬且和又諸侯有光明著見濟濟多士秉文之德對越在天

對配也越於也濟濟之貌士皆執行文王之德文王精神已在天矣猶配順其素行如生存焉

振鷺二王之後來助祭也二王夏殷也其後祀宋也振鷺千飛于彼

西雍我客戾止亦有斯容興也振羣飛之貌也鷺白鳥也雍澤也容二王之後也白鳥集於西雍之澤言所集得其處也興者喻祀宋之君有潔白之德來助祭於周之廟得禮之宜也其至止亦有此容言威儀之善如鷺鳥然也

雍禘大祖也禘大祭大祖謂文王有來雍雍至止肅肅相維辟公

羣書治要 卷之三 三 靈石楊氏栗

天子穆穆相助也雍雍和也肅肅敬也有是來時雍雍

然既至而肅肅然者乃助王禘祭百辟與諸侯也天子是時穆穆然言得天下之歡心也

有客微子來見於祖廟也微子代殷後既受命來朝見之也有客有客

亦白其馬殷尚白也

敬之羣臣進戒嗣王也敬之敬之天維顯思命不易哉

無曰高高在上陟降厥士日監在茲顯光也監視也羣臣見王謀即政之

事故因此時戒之曰敬之哉敬之哉天乃光明去惡與善其命吉凶不變易也無謂天高又高在上遠人而不畏也天上下其事謂轉運日月

施其所行日視瞻近在此也

魯頌 閔宮頌僖公之能復周公之宇也宇居王曰叔父建爾元

閔宮頌僖公之能復周公之宇也



子俾侯于魯大啓爾宇爲周室輔王成王也元首也宇居也成王告周公叔父我立汝首子使爲君於魯謂欲封伯禽也以爲周公後也大開汝居以爲周家輔謂封以方七百里也乃命魯公俾侯于東賜之山川土田附庸既告周公乃策於東加賜之以山川土田及附庸令專統之也

商頌

長發大禘也大禘郊祭天也湯降不遲聖敬日躋昭假遲遲上

帝是祗帝命式于九圍不遲言疾也躋升也九圍九州也降下也假暇也祗敬也式用也湯之下土尊賢甚疾其聖敬之德日進然而能以其聰明寬暇天下之人遲遲然言其急於已而緩於人也天用是故愛敬之天於是又不競不綵不剛不柔敷政

優優百祿是遘緣急也優優和也道聚也

羣書治要 卷之三 詩 靈石楊氏葉

殷武祀高宗也天命降監下民有嚴不僭不濫不敢怠

違命于下國封建厥福不僭不濫賞不僭刑不濫也封大也違暇也天命乃下視下民

有嚴顯之君能明德慎罰不敢怠惰自暇於政事者則

命之於小國以爲天子大立其福謂命湯使由七十里

王天下也 商邑翼翼四方之極商邑京師也極中也商邑之禮俗翼翼然可則倣乃四方

正也

羣書治要卷第三

何秋濤校



